

太平御覽卷第九十一

皇王部十六

後漢顯宗孝明皇帝

穆宗孝和皇帝

恭宗孝安皇帝


顯宗孝明皇帝

肅宗孝章皇帝

孝殤皇帝

少帝北鄉侯

東觀漢記曰孝明皇帝諱陽一名莊世祖之中子也母光烈皇后初讓尊位為貴人故帝十二歲以皇子立為東海公三歲進爵為王幼而聰明睿容顏莊麗世祖異焉數問以政議應對敏達謀謨甚深温恭好孝敬愛師傅所以承事兄弟親密九族內外周洽世祖愈珍上德以為宜承



卷九十一

先序建武十七年十月詔廢郭皇后立陰貴人為皇后以
東海王立為皇太子治尚書備師法兼通九經畧大義
博觀群書以助術學無所不照中平二年二月世祖崩皇
太子即位永平二年二月上初臨辟雍行射禮十月上幸
辟雍初行養老禮甲子上幸長安祠高廟遂有事於十一
陵歷覽館舍邑居舊處會郡縣吏勞賜作樂三年十月上
與皇太后幸南陽祠章陵周觀舊廬召見陰鄧故人上在
于道所幸見吏勞賜省事畢步觀行部署不用輦車夜讀
衆書乙更盡乃寐先五鼓起率常如此五年十月上幸鄴
徽趙王初會鄴常山賜錢百萬八年十月工臨辟雍養三
老五更禮畢上手書赦令尚書僕射持節詔三公十年閏

月行幸南陽祠章陵以日北至復祠於舊宅禮碑校官第
子作雅樂奏鹿鳴上自御塤箎和之以娛嘉賓至頃勞饗
三老官屬是時天下安平人無徭役歲比登稔百姓殷富
粟斛錢三十牛羊被野十三年二月上耕籍田禮畢賜觀
者食有諸生前舉手曰善哉文王之遇太公也上書板曰
生非太公予亦非文王也十五年二月東巡狩三月幸孔
子宅祠孔子及七十二弟子親御講堂命太子諸王說經
幸東平王宮上憐廣陵侯兄弟賜以服御之物又以皇子
輿馬悉賦予之十七年春甘露仍降樹枝內附芝生前殿
神雀五色翔集京師是夜上夢見先帝太后夢中喜覓因
悲不能寐明且上令百官採甘露容悉會太常丞上言陵

樹華有甘露上令百官採甘露受賜畢罷上從席前伏御狀視太后鏡中物流涕勅易中脂澤粧具自帝即位遵奉建武之政有加而無損初世祖閔傷前世權臣太盛外戚豫政漢家中興唯宣帝取法至於建武朝無權臣外族陰郭之家不過北卿親屬勢位不能及許史王氏之半至永平后妃外家貴者裁家一人之備列將校尉在兵馬官充奉宿衛闔門而已無封侯豫朝政者自皇子之封皆減舊制諸王皆當略與楚淮陽相比什減三四曰我子不當與先帝子等又國遠而小於王善節約謙儉如此八月帝崩于東宮前殿在位十八年時年四十八謚曰孝明皇帝葬顯節陵十二月有司奏上尊號曰顯宗廟與世宗廟同

而祠祫祭於世祖之堂共進武德之舞如孝文皇帝祫祭高廟故事孝明皇帝尤垂意於經學即位刪定擬議稽合圖讖封師太常桓榮為閔內侯親自制作五行章句每饗射禮畢正坐自講諸儒並聽四方欣欣是時學者尤盛冠帶搢紳遊辟雍而觀化者以億萬計又曰建武四年五月甲申皇子陽生豐下銳上頰赤色有似於堯上曰赤色名之曰陽至十三年通春秋上循其頭曰吳季子陽對曰愚辭無比及阿乳母以問師傅曰少徵誠對師傅無以易其華橋後漢書明帝性褊察嘗以事怒即藥菘以杖撞菘菘走入牀下上怒甚疾言曰即出即出菘曰天子穆穆諸侯

皇皇未聞人君自起撞即上乃赦之

又曰世祖既以吏事自嬰帝尤任文法摠攬威柄權不借

下值天下初定四民樂業戶口衣食滋植斷獄得情號居前世

之十二中興已來追蹤宣帝夫以鍾離意之廉淳諫諍懇

懇以寬和為首以此推之斯亦難以德言者也

薛瑩漢紀贊曰明帝自在儲宮而聰德允之德著矣及臨萬

機約身率禮恭奉遺業一以貫之雖夏啟周成繼體持統

無以加焉是以海內又安四夷賓服斷獄希少有治平之

風號曰顯宗不亦宜乎

潛夫論曰明帝時公車以反吏已不受章奏帝聞而恠曰

民廢農遠來詣闕而復抄以禁忌豈為政之意乎於是遂

後漢書曰明帝遵奉建武制度無敢違者後宮之家不得

封侯與政館陶公主之武之女為子求即不許而賜錢千

萬謂群臣曰即官上應列宿出宰百里苟非其人則人受

其殃是以難之故吏稱其官民安其業遠近肅服戶口滋

植焉

後漢書曰帝善刑理法令分明日晏坐朝幽枉必達外內

無倖曲之私在上無矜大之色斷獄得情號居前世之十

二故後之言事者莫不先建武永平之政然而鍾離意宋

均之徒常以察慧為言夫豈私人之度未優乎

肅宗孝章皇帝上卷五

東觀漢紀記曰孝章皇帝諱炅孝明皇帝第五子也永平三

年二月以皇子立為太子年四歲幼而聰達才敏多識世事勤容進正聖表有異壯而仁明謙恕溫慈惠和寬裕廣博親愛九族矜嚴方厲威而不猛既志於學始治尚書遂兼五經周覽古今無所不觀由是上敬重之每事諮焉永平十八年孝明皇帝崩帝即位

范曄後漢書曰章帝建初元年詔有司明選舉進柔良退貪猾順時令理冤獄又詔以上林池獵田獵與貧人四牛詔曰蓋三代遵人教學為本漢承秦秦褒顯儒術建立五經為置博士其後學者精進雖曰承師亦別名家孝宣帝以為去聖久遠學不厭博故遂立大小夏侯尚書後又立京氏易至建武中復置嚴氏顏氏春秋大小戴禮博士此

皆所以扶進微學尊廣道藝也孔子曰博學而篤志切問而近思仁在其中矣於是下太常將大夫博士議即官及諸生諸儒會白虎觀講議五經同異使五官中郎魏應承制問侍中淳于恭奏帝親稱制臨決如孝宣甘露石渠故事作白虎議奏通今白虎元和二年正月詔書有人垂子者復勿筭三歲令諸懷妊者賜胎養公設三斛復其夫勿筭一歲著以為令又詔三公曰方春生養萬物享甲冑助萌陽以育時物其令有司罪非殊死且勿案驗章和元年八月南巡狩幸梁遣使祠沛高原廟豐粉榆社二年正月帝崩於章德前殿在位十二年時年三十一遺詔無起寢廟一如先帝法制葬敬陵廟曰肅宗論曰魏文稱明帝察察

章帝長者章帝素知人戢明帝苛切事從寬厚感陳寵之
義除慘獄之科深元元爰著胎養之令奉承明德太后
盡心孝道割裂名都禮以崇建周親平徭簡賦而人賴其慶
又禮之以忠貞文之以禮樂故乃藩輔克諧群后德讓謂
之長者不亦宜乎

東觀漢紀記序曰書云孝乎惟孝友于兄弟聖之至要也乾
乾夕惕寅畏皇天帝王之上行也明德慎罰湯文所務也
密靜天下容於小大高宗之極至也肅宗兼茲四德以斷
祖考臣下百僚力誦聖德紀述明詔不能辯章豈敢空言
增廣以累日月之光

袁山松後漢書曰孝章皇帝弘裕有餘明斷不足閨房說則古之

惑外戚擅寵情乎若明章二主損有餘而補不足則古之

賢君矣

薛瑩漢紀記贊曰章帝以繼世承平天下無事敬奉神明友
于兄弟息省徭賦綏靜兆民除苛法蠲禁錮抑有仁賢之
風矣是以陰陽協和而百姓安樂衆瑞並集不可勝載考
之圖籍有徵云爾

帝王世紀曰孝章皇帝以中和元三年生於京師其母姓
秘不出號其墓曰長信冢

三輔決錄注曰何敞字文高為汝南太守章帝南巡過郡
有刻鏤屏風為帝張設詔命侍中黃香銘之曰古典務農
雕鏤傷民忠在竭節義在脩身敞懼禮賢命士改脩德化

穆宗孝和皇帝

上卷五

東觀漢紀曰孝和皇帝諱肇章帝之中子也母曰梁貴人
早薨上自岐嶷至總角孝順聰明寬和篤仁孝章猶是深
珍之以為宜承天位年四歲以皇子立為太子初治尚書
遂兼覽書傳好古樂道無所不照章和二年春二月章帝
崩太子即位永元三年春正月帝加元服四年六月天將
軍竇憲潛圖弒逆庚申幸北宮詔收捕憲黨皆北亦獄使
謁者收憲大將軍印綬遣憲及第篤景就國到皆自殺五
年正月宗祀五帝於明堂遂登靈臺望雲物大赦天下自
京師離宮果園上林廣成有悉以假貧人恣得捕不收其
稅十二年春正月上日以五經義異書傳意殊親幸東觀

覽書林閱篇籍朝無寵族政如砥矢惠澤沾濡鴻恩茂篤
外憂庶績內勤經藝自左右近臣皆誦詩書德教在寬仁

恕並洽是以黎元寧康方國協和真符瑞應八十餘品帝
讓而不宣故靡得而紀元興元年十二月帝崩于章德前

殿在位十七年時年二十七葬順陵廟曰穆宗

帝正世紀曰穆宗之嗣世正身履道以奉大業賓禮耆艾

動式舊典宮無嬪嬙鄭衛之譙囿無繁樂遊畋之豫躬履

玄德虛靜自損是以屢獲豐年遠近承風云爾

後漢書曰自竇憲誅後帝躬親萬机每有災異輒延問公

卿極言得失舊南海敵龍眼荔枝十里一置五里一堠奔

騰險阻死者相繼時臨武長汝南唐羌縣接南海乃上書

陳狀帝下詔曰遠國環羞本以薦奉宗廟苟有傷害豈愛
人之本其勅令大官勿復受南由是遂省焉
續漢書曰孝和年十四能折外戚驕橫之權即昭帝斃上
官之類矣朝政遂一民安職業懃恤本務苑囿希幸逸夷
稽服西城開太郡國言符瑞八十餘品咸懼虛妄抑而不
宣云爾
范曄後漢書曰自中興以後逮于永元雖頗有弛張而俱
存不擾是以齊民歲增闢土世廣偏師出塞則漢北地空
都護西指則通驛四方豈其道遠三代術長前世將服叛
懷來自有數也

孝殤皇帝 上卷五

東觀漢紀曰孝殤皇帝諱隆和帝之少子也和帝皇子數
十生者輒夭故殤帝養於民元興元年十二月和帝崩是
日倉卒殤帝時生百餘日乃立以為皇太子其夜即位尊
皇后鄧氏為皇太后帝在襁褓太后臨朝廷光元年八月
帝崩于崇德前殿年二歲葬康陵
又曰孝殤襁褓承統寢疾不豫天命早崩國祚中絕社稷
無主天下熬然賴皇太后孔子稱有婦人焉信哉

恭宗孝安皇帝 上卷五

東觀漢紀曰孝安皇帝諱祐清和孝王第二子也少聰明
敏達慈仁惠和寬容博愛好樂施予自在邸第數有神光
赤虵嘉應照耀於室內又有赤虵盤紆殿屋牀第之間孝

王常異之年十歲善史書嬉經籍和帝甚喜重焉號曰諸生數燕見在中特加賞賜下及玩弄之物諸王子莫得與比殤帝即位鄧后臨朝以帝幼小詔留於清河邸欲為儲副殤帝崩以王青蓋迎齊中殿中拜為長安侯乃即帝位謙讓恪勤孜孜經學志供養委政長樂宮永初元年十一月上始講尚書就於典藝二年春正月帝加元服延光四年三月帝崩于葉帝在位十九年時年三十二御車所止飲食百官鼓漏起居車騎鹵簿如故及還宮皇后與兄顯中常侍江京樊豐等共興為詐不容令群臣知上道崩欲偽道得病遣司徒等分詣郊廟社稷告天請命誣罔靈祇以仁為存其夕發喪群寮百姓如喪考妣塞外蠻夷致祭

涕泣葬恭陵

范曄後漢書論曰孝安皇帝雖稱尊亨御而權歸鄧氏至損徹膳服克念治道然令自房帳威不逮遠始失根統歸成陵弊遂復計全授官移民逃寇推谷台衡以答天青既云哲婦亦惟家之素矣

薛瑩漢書贊曰安帝之初委政太后十有餘年及親萬機佞邪治進闡官用事寵加私愛阿母主聖勢傾朝廷遂樹姦黨搖動儲副山陵未乾蕭牆作難兵交禁省社稷殆危典略曰安帝永初元年以災異免司空尹勤凡以災寇故輒免三公多以卿為之或再三退而還復其故桓靈又甚自此始也

少帝北卿侯 上卷五

續漢書曰安帝崩太子前殿後無餘子皇后與兄閭顯謀
以北卿侯犢為帝嗣三月立北卿侯皇太后臨朝十月辛
亥北卿侯薨顯及江京等徵濟北河間王子欲以為嗣中
黃門孫程王康等十九人共討江京等迎立濟陰王
皇德傳曰安帝崩北卿侯即尊位十月北卿侯薨以王禮
葬未即帝位不成君故以王禮葬

太平御覽卷第九十一

宋本校計八頁

前空三行

太平御覽卷第九十二

皇王部十七 上卷三

後漢祖宗孝順皇帝 上卷三

孝冲皇帝 上卷一

孝質皇帝 上卷三

威宗孝桓皇帝 上卷五

孝靈皇帝 上卷三

廢帝弘農王 上卷五

孝獻皇帝 上卷一

敬宗孝順皇帝 上卷五

東觀漢記曰孝順皇帝諱保孝安長子也母早薨追謚恭
愍皇后上幼有簡厚之質体有敦慤之性寬仁温惠始入
小學誦孝經章句和熹皇后甚嘉之以為宜奉大統年六
歲永寧元年為皇太子受業尚書兼資敏達初乳母王男

厨監邴吉為大長秋江京中常侍樊豐等所譖愬殺之太子數為嘆息京等俱有後害遂共構陷太子太子坐廢為濟陰王明年五月安帝崩北鄉侯即尊位王廢絀不得上殿臨棺而悲哀泣血不下食粥北鄉侯薨車騎將軍閭顯等議前不用濟陰王今用怨人白閭太后復徵立諸王子閉宮門屯兵日守中黃門孫程等十九人共討賊臣江京等以迎濟陰王於德陽殿西鍾下即皇帝位漢安元年八月遣侍中杜喬光祿大夫周舉等八人分行州郡頒宣風化舉實藏否建康元年八月帝崩于玉堂前殿在位十九年時年三十遺詔無起寢廟衣以故服珠玉玩好皆不得下務為節約葬憲陵廟曰敬宗

續漢書曰帝為太子四歲避疾嘗阿母王聖弟新治乳母王男厨監邴吉以為犯上忌不可御與江京樊豐及聖二女永等相是非聖永誣譖男吉皆物故太子思戀男等數為之歎息聖永俱有後害遂與京豐等共構陷太子坐廢為王

孝冲皇帝 上卷五

東觀漢記曰孝冲皇帝諱炳順帝之少子也年三歲是時皇太子數不幸國副未定有司上言宜建聖嗣建康元年四月立為太子順帝崩太子即帝位尊皇后梁氏為皇太后帝幼弱太后臨朝永熹元年正月帝崩于玉堂前殿在位一年葬懷陵

帝王世紀曰孝冲皇帝即位一年年三歲

李質皇帝 上五

東觀漢記曰孝質皇帝諱續章帝玄孫千乘尊王之曾孫也樂安王孫渤海王子也年八歲茂質純淑好李尊師有聞於郡國孝冲帝崩徵封建侯即皇帝位本初元年閏六月帝崩于玉堂前殿在位一年時方九歲葬靜陵漢晉春秋曰帝初年幼小聞梁冀專權於天下每朝出輒白之曰此跋扈將軍冀聞而大惧遂陰行鴆毒始病呼太尉李固入固前問病帝曰食煮餅令腹中悶得水尚可活冀曰不可語未絕而崩

威宗孝桓皇帝 上五

東觀漢記曰孝桓皇帝諱志章帝曾孫河間孝王孫蠡吾侯翼之長子也母曰園園夫人年十四襲爵始入有殊於人梁太后欲以女弟妃之太初元年四月徵詣雒陽既至未及成禮會質帝崩無嗣太后密使瞻察威儀才明任奉宗廟廟遂與兄冀定策於禁中迎帝即位時年十五改元建和元年大將軍梁冀輔政縱橫為亂帝與中常侍單超等五人共謀誅之於是封超等為五侯暴恣日甚毒流天下白馬令李雲坐直諫誅名臣少府李膺等並為閹人所譖誣為黨人下獄死在位二十一年崩年三十六

薛瑩漢記贊曰漢德之衰有自来矣而桓帝繼之以淫暴封殖宦豎群妖滿側姦黨劫其賢良被辜政荒民散亡徵

漸積逮至靈帝遂傾四海豈不痛哉

左傳曰國於天地有與立焉不數世淫不能弊也信矣

孝靈皇帝 上卷五

續漢書曰孝靈皇帝宏章帝玄孫河間孝王曾孫解濟亭侯淑之孫萇之子也母曰董姬萇薨上襲爵為侯永康元年十二月桓帝崩先是數有皇子友昏不遂太后與父竇武定策禁中建寧元年正月徵到止夏門亭以王青蓋連迎入于殿即皇帝位太后臨朝四年正月帝加元服光和元年初置鴻都門生本頗以經學相引後請能為尺牘辭賦及以玉書鳥篆者相課試至千人皆勅州郡三公舉用辟召或典州郡入為尚書侍中封侯賜爵四年於後宮與

宮人為列肆販賣更相偷盜爭鬪上臨視以為樂又於西

園弄狗帶綬著進賢冠帶綬中平元年初開西邸賣官自

關內侯以下至虎賁羽林入錢各有差二年稅天下田畝

十錢以治宮殿發大原河東預道材木黃門常侍斷截州

郡送材人召掌正史譴乎不中退賣之貴戚因緣賤買十

位入官其貴戚所入者然後得中宮室連年不成州郡因

增加調發刺史二千石遷除皆責助治宮錢大都至二千

萬諸詔所徵皆令西園騶密約勅號曰中使恐動州郡多

受財賂天下騷動起為盜賊矣是歲又於西園造萬金堂

以為私藏別司農金錢繒帛積之於中又還河間買田業

起第觀上本侯家居貧即位常曰桓帝不能作家家曾無

私錢故為私藏復寄小黃門常侍家錢至數千萬又云張
常侍是我翁趙常侍是我母由是宦官專朝日盛奢僭無
度各起第宅擬則宮屋上嘗登永安侯臺黃門常侍惡其
登高臺見居處樓殿乃使中大夫尚垣諫曰天子不當登
高登高則百姓虛自後遂不復登臺榭矣四年又募買關
內侯假金紫入錢五百萬六年四月帝崩於嘉德殿在位
二十二年時年三十四葬文陵

續漢書五行志曰靈帝好胡服帳胡床胡飯胡篋篋笛胡
舞京都貴戚皆競為之其後董卓多權胡兵擄掠夜發掘
園陵帝又於宮中西園駕四白驢躬自操轡馳周旋以
為大樂於是公卿貴賤轉相倣效至相謀奪驢價與馬齊

獻帝春秋曰初黃巾賊起靈帝建九重華蓋自稱無上將
軍身被介冑謀兵京城先是造作角錢猶五銖而有四道
連於邊輪百姓各有識者以為天徵竊言新錢有四道京
城將壞而此前四出散於四方之外乎遂皆如言

薛瑩漢紀贊曰漢氏中興至于延平而世業損矣冲質短
祚孝桓無嗣母后稱制奸臣執政孝靈以支庶而登至尊
由藩侯而紹皇統不恤宗緒不祗天命上虧三光之明下
傷億兆之望于時爵服橫流以賄成自公侯卿士降於皂
隸遷官襲級無不以貨刑戮無辜推仆忠賢佞諛在側直
言不聞是以賢智退而窮處忠良擯於下位遂至姦邪蜂
起法防墮壞夷狄並侵盜賊糜沸小者吞城邑大者連州

郡編戶騷動人人思亂當斯之時已無天子矣會靈帝即
世則禍尋其後宮室焚滅郊社無主危自上起覃及華夏
使京室為墟海內蕭條豈不痛哉

典略曰建寧二年帝時年十三歲宦官用事排疾士人熹
平四年五月帝自造皇義五十章光和五年帝幸太學自
就碑作賦

廢帝弘農王

上成十五

獻帝春秋曰孝靈皇帝何皇后生太子辯帝數失子不敢
正名養于道人史子眇家號曰史侯

後漢書曰中平六年四月丙辰靈帝崩於南宮嘉德殿戊
午皇子辯即皇帝位年十七太后臨朝八月中常侍段珪

等殺大將軍何進於是虎賁中郎將袁術燒東西宮攻諸
宦者唐午張讓段珪等劫少帝及陳留王幸北宮司隸校
尉袁紹勒兵收偽司隸校尉樊陵及諸閹人無少長皆斬
之讓珪等復劫少帝陳留王小平津尚書盧植追讓珪等
斬之其餘投河而死帝與陳留王協夜步遂熒光行數里
得民家露車共乘之幸來還宮太赦九月董卓廢帝為弘
農王英雄記曰董卓在顯陽苑請官僚其意欲有廢立謂
袁紹曰劉氏之種不足復遺袁紹曰漢家君天下四百許
年恩澤深渥兆民戴之恐衆不從公議卓曰天下之事豈
不在我我令為之誰敢不從紹曰天下健者不唯董公紹
請立觀之橫刀長揖而去坐中皆驚愕時卓新至見紹大

家故不敢害之卓於是遂策廢皇太后遷之永安宮其夜崩廢皇帝史侯為弘農王立陳留王為皇帝卓聞東方州郡謀欲舉兵恐其以弘農王為主乃置王閣上存之以棘召太醫傳責問之曰弘農王病因何故不白遂遣兵迫守太醫致藥即日弘農王及妃唐氏皆薨。

素山松後漢書曰董卓使弘農郎中令李儒進鴆於弘農王曰服此辟惡王曰此必是毒也弗肯強之於是王與唐姬及宮人共飲酒王自歌曰天道易兮我何艱棄萬乘兮退守藩逆臣見迫兮命不延遊將棄尔兮適幽玄唐姬起舞歌曰皇天崩兮后土頽身為帝王兮命天推死生路畢兮從此乖棹我焚獨兮中心衰因泣下坐者虛歛不自勝

王謂唐姬曰卿故王者妃勢不復為吏民妻也行矣自愛從此長辭遂鴆死

孝獻皇帝

上五

續漢書曰孝獻皇帝諱協靈帝少子也母曰王美人何皇后妬而害之靈帝母求樂太后董氏收養焉故號董侯中平六年四月靈帝崩太子辯即尊位年幼皇太后詔封上為渤海王七月徙封陳留王九月董卓廢天子立陳留王是日即皇帝位年九歲董卓秉政初平元年二月天下自雒陽遷都長安興平元年正月帝加元服二年十月上自長安東遷建安元年七月至雒陽八月上自雒陽遷都於許二十五年十月上禪位於魏魏王即帝位封上為山陽

公青龍二年三月薨以天子禮葬禪陵

獻帝春秋曰袁紹將兵入宮誅諸黃門張讓等逼迫以尺

一詔開大夏門將帝及陳留王出不知所如有

螢火照道到盟津河上傳國六璽不及自隨百僚分散唯

河南中部掾閔貢見天子出率騎追之比曉到河上天子

飢渴貢宰羊進之厲聲謂讓曰今不速死吾射殺汝讓等

惶怖义手再拜叩頭向天子辭曰臣等陛下自愛遂投河

而死貢扶輦還宮時董卓適至屯顯陽苑聞帝當至率兵

迎帝於北邙帝見卓兵振不自勝群公曰有詔却兵卓曰

卿為大臣不能匡輔國朝至今幼主蒙塵播越何却兵之

有遂俱入城帝幸北宮改元號曰昭寧於閣上得有璽失

傳國璽又曰興平元年蝗虫起百姓飢一斛五六萬錢帝

勅主者盡賣廐馬二百餘疋及御府雜繒二萬疋賜公卿

已下及貧民車騎將軍李傕不聽盡收以置其邸李傕郭

汜有隙僱使兄子副車中即將李進勒兵數千統宮使虎

賁王曹等三百人以輜車三乘載帝及伏后幸傕營又迎

宮人公卿家屬入塢移御府諸置繒綵珍寶上方在廐車

馬乘輿器物盡置其邸放兵燒居府及居民被害者不可

勝數五月或欲轉乘輿幸黃白城帝不肯司徒趙温以帝

當東歸而傕等方亂以忠節責傕傕怒欲斬温傕從弟上

軍校尉維故温掾請諫乃止於是閔温與帝同門談及關

校尉以監察之十一月舉駕東幸到黃卷亭庚午乘輿到

弘農張濟欲與董承楊奉交質而留乘輿承奉不肯白帝
東行到澗中濟郭汜放兵欲留車駕承奉力戰乘輿得過
公卿婦女衣服悉見鈔奪不解帶便斫寒凍死者不可
勝計天子得過路次曹陽乘輿到安邑十二月使侍中史
時直里大僕韓融奉詔詔張濟悉遣宮人公卿已下婦女
及乘輿服物車馬諸見略者皆詣安邑遣元年七月乘輿
到洛幸城西故中常侍趙忠舍官室燒盡百官被荆棘依
墻壁墟間侍郎以下皆出葬采四方州郡各擁強兵莫有
至者曹操白帝遷都許庚申車駕出洛輟轅而東陽奉韓
暹引軍追之輕騎旣至曹操設伏兵要於陽城山夾中大
敗之九月車駕到許幸曹操營設有司營宗廟社稷白帝

西遷朝廷傾覆王度節於是始建

漢晉陽秋曰獻帝都許守位而已宿衛近侍莫非曹氏黨
舊恩戚議即趙彥嘗為帝陳言時策曹操惡而殺之其餘
內外多見誅操後以事入見殿中帝不任其忿因曰君能
相輔則厚不爾幸垂恩相捨操失色俛仰求出舊儀三公
輔兵入廟令虎賁執及挾之操顧左右汗流洽背自後不
敢復朝請

袁山松後漢書曰獻帝崎嶇危亂之間飄薄萬里之衢萍
流蓬轉嶮岨備經自古帝王未之有也觀其天性慈愛弱
而神惠若輔之以德真守文令主也曹氏始於勤王終至
滔天遂力制群雄負鼎而趨然因其利器假而不反迴山

倒海遂移天日昔田常假湯武而殺君操因堯舜而竊國
所乘不同濟其盜賊之身一也善乎莊生之言竊鈞者誅
竊國者為諸侯之門仁義在焉信矣
范曄後漢書論曰傳稱鼎之為器雖小而重故神之所寶
不可奪移至今負而趨者斯亦窮運之歸乎天厭漢德久
矣山陽其何誅焉

太平御覽卷第九十二

宋本校計八頁

前空四行

太平御覽卷第九十三

皇王部十八

上卷五

魏太祖武皇帝

上卷三

文皇帝

上卷三

魏太祖武皇帝

上卷五

魏志曰太祖武皇帝沛國譙人姓曹名操字孟德漢相國

叅之後曹曄傳曰太祖一祖騰漢桓帝時為中常侍大長

秋封費亭侯養子嵩嗣官至太尉莫能審其生出本末

傳及郭頌世語並云嵩夏侯氏子夏侯嵩生太祖太祖少

機警有權數而任俠放蕩不治行業故世人未之奇也唯

梁國橋玄南陽何顥異焉玄謂太祖曰天下將亂非命世

之才不能濟也能安之者其在君乎年二十舉孝廉為郎

除洛陽北部都尉遷頓丘令徵拜議郎光和末黃巾起拜
騎都尉討潁川賊遷為濟南相國有十餘縣長吏多阿附
貴戚賍汚狼籍於是奏免其八九禁斷淫祀姦雄逃竄郡
界整肅父之徵還為東郡太守不就稱疾歸鄉里初平元
年春正月後將軍袁術與州牧韓馥兖州刺史劉岱渤海
太守袁紹濟北相鮑相等同時俱起衆各數萬推紹為盟
主太祖行奮武將軍董卓聞兵起乃徙天子都長安卓留
屯洛陽遂焚宮室是時卓兵強紹等莫敢先進太祖曰舉
義兵以誅暴亂大衆已合諸君何疑向使卓聞山東兵起
恃王室之重據二周之險東向以臨天下雖以無道行之
猶足為患今焚燒宮室却遷天子海內震動不知所歸此

天亡之時也一戰而天下定矣不可失也遂引兵西據成
臯到滎陽汴水遇卓將徐榮與戰不利士卒死傷甚多太
祖為流矢所中乘馬被瘡從弟洪以馬與太祖得出太祖
兵少乃與夏侯惇等詣揚州募兵司徒王允與呂布共殺
卓青州黃巾衆百餘萬人兖州劉岱欲擊之鮑信諫岱不
從遂與戰果為賊所殺信乃迎太祖領兖州牧遂進兵擊
黃巾追至濟北乞降冬受降卒三十餘萬男女百餘萬口
收其精銳者號青州兵天子拜太祖兖州牧是歲長安亂
天子東遷敗於曹陽渡河幸安邑太祖軍臨武邲天子假
太祖節鉞錄尚書事獻記曰又領洛陽殘破董昭等勸太
祖都許車駕出轅轅而東以太祖為大將軍封武平侯自

天子西遷朝廷離亂至是宗廟社稷制度始立時以袁紹為大尉紹耻班在公下不肯受公乃固辭以大將軍讓紹天子拜公司空行車騎將軍公圍張綉於襍劉表遣兵救綉以絕軍後公將引還綉兵來追公軍不得進連營稍前公與荀彧書曰賊來追吾雖日行數里吾策之到長安衆破綉必矣到安衆綉與表兵合守險公軍前後受敵公乃夜鑿險為地道悉過輜重設奇兵會明賊謂公為遁也悉追軍來乃縱奇兵步共夾攻大破之公還許荀彧問公前何以策賊必破公曰虜過吾歸師而與吾死地戰吾以是知勝矣袁紹既并公孫瓚兼四州之地衆十餘萬諸將以為不可敵公曰吾知紹之為人志大而智小色厲而膽薄

忌刻而少威兵多而分畫不明將驕而政令不一土地雖廣糧食雖豐適所足以為吾奉也張綉率衆降公軍官渡劉備殺徐州刺史曹曹舉兵屯沛五年公自征備諸將曰與公爭天下者袁紹也今棄之東若何公曰劉備人傑也今不擊必為後患袁紹雖有大志而見事遲必不動也遂破備備奔紹紹遣郭圖淳于瓊顏良等攻劉延與白馬紹引兵至黎陽公於是救延荀攸說公曰今兵少不敵分其勢乃可公從之遂擊破斬良紹騎將文醜與劉備將五六千騎前後至公縱奇兵擊大破之斬醜良醜良皆紹名將再戰悉擒紹軍大震八月紹連營稍前進臨官渡起上山地道公亦於內作之以相應紹射營中矢如雨下行者皆

蒙猶衆大懼時公糧少與荀彧書議欲還許或以為紹悉衆泛官渡欲與公決勝敗公以至弱當至強若不能制必為所乘是天下之大機也公與紹相距連月雖比戰將然衆少糧進士卒疲之公謂運者曰十五日為汝破紹不復勞汝矣冬十一月紹遣車運穀使淳于瓊等五人將兵萬餘人逆之宿紹軍營北四十里紹謀臣許攸貪財紹不能用來奔因說公擊瓊等左右疑之荀彧諷勸公公乃留曹洪守自將步騎五千人夜往會明至瓊等望見公兵少出陣門外公急擊之瓊退保營遂攻之紹遣騎救瓊左右或言賊稍近請分兵距之公怒曰賊在背後乃曰士卒皆殊死戰大破瓊等皆斬之紹初聞公擊瓊謂長子譚曰就

彼破瓊等吾攻收其營彼固無所歸矣乃使張郃高覽攻曹洪郃等聞瓊破遂來降紹衆大潰紹及譚棄軍走泛河追之不及盡收其輜重圖書珍寶虜其衆公收紹書中得許下及軍中人書皆焚之紹自軍破後發病毆血死小子尚代譚自號車騎將軍屯黎陽秋公征之連戰譚尚數敗退固守攻其郭乃出戰擊大破之譚尚衣赭譚尚爭冀州譚為尚所敗走保平尚攻之急譚遣辛毗乞降請救諸將皆疑荀彧勸公許之公乃引軍到黎陽為子整與譚結婚尚聞公北方乃釋平原還鄴公進軍攻鄴尚懼乞降公不許為圍益急尚夜遁衆大潰尚走中山盡獲其輜重得尚印綬節鉞鄴定公臨祠紹墓哭之流涕慰勞紹妻還其家

人寶物賜之雜繒絮廩食之天子以公領冀州牧公讓還
死州公之圍鄴也譚略取甘陵安平渤海河間尚敗還中
山譚琰之尚奔固安遂拜其衆公遣譚書責以負約與
之絕婚女還然後進軍譚懼拔平原走保南皮公入平原
略定諸縣攻譚破之斬誅其妻子冀州平袁熙大將焦觸
張南等叛攻熙尚熙尚奔三郡烏丸觸等舉其縣降封為
列侯三郡烏丸承亂破幽州略有漢民合十餘萬戶初袁
紹皆立其酋豪西單于蹋頓尤強為紹所厚故尚兄弟歸
之數入塞為害公將征之鑿渠自吁拖之孤水名平虜渠
引軍出盧龍塞外道絕不通乃漸山堙谷五百餘里經白
檀歷年剛涉鮮卑庭東指柳城未至二百里虜乃知之尚

熙與蹋頓遼東單于樓班右北平單于能臣抵之等將數
萬騎逆軍登白狼山卒與虜遇衆甚盛公車重在後被甲
者少左右皆懼公登高望虜陣不整乃縱兵擊之使張遼
為先鋒虜衆大崩斬蹋頓及各王以下胡漢降者二十餘
萬口初遼東太守公孫康恃遠不服及公破烏丸或說公
遂征之尚兄弟可擒也公曰吾方使康斬送尚熙首不煩
兵矣公引軍自柳城還康即斬尚熙及速僕九等傳其首
諸將或問公還而康斬送尚熙何也公曰彼素畏尚等吾
急之則并力緩之則自相圖其勢然也關中諸將疑公欲
自襲馬超遂與韓遂楊秋李堪成宜等反公迺征之與超
夾關為軍乃與尅日會戰先輕兵挑之戰良久乃縱虎騎

夾擊大破之斬成宜李堪等超走涼州楊秋奔安定關中
平天子命公贊拜不名入朝不趨劍履上殿如蕭何故事
使御史大夫郝慮持節策命公為魏公始建魏社稷宗廟
天子聘公三女為貴人又命公置旄頭宮殿設鍾簋又命
公承制封拜諸侯守相冬十月始置名號侯至五大夫與
舊列侯關內侯凡六等以賞軍又功進公爵為王設天子
旌旗出入稱警蹕王崩於洛陽時年六十謚曰武王葬高
陵

又曰漢桓帝時有黃星見於楚宋之分遼東南植善天文
言後五十歲當有真人起於梁沛之間其鋒不可當至破
袁紹之歲凡五十年天下莫敵矣

魏書曰漢末太祖拒董卓命歸鄉里過故人成臯呂伯奢
伯奢不在其子八人備賓主之禮太祖自以背卓聞其食
器聲以為圖已夜殺八人而去既而歎曰寧我負人無人
負我

又曰太祖自御海內芟夷群醜其行軍用師大較依孫吳
之法而因事設奇量敵制勝變化如神自作兵書十餘萬
言諸將征伐以皆新書從事臨時又手為節度從令者克捷
違教者負敗與虜對陣意思安閑如不欲戰然及至決機乘
勝氣勢盈溢故每戰必克知人善察難眩以偽技于禁樂
進於行陣之間取張郃徐晃於亡虜之中皆佐命立功列
於名將其餘拔出細微登為牧守者不可勝數是以創造

夾擊大破之斬成宜李堪等超走涼州楊秋奔安定關中
平天子命公贊拜不名入朝不趨劍履上殿如蕭何故事
使御使大夫郝慮持節策命公為魏公始建魏社稷宗廟
天子聘公三女為貴人又命公置旄頭宮殿設鍾簋又命
公承制封拜諸侯守相冬十月始置名號侯至五大夫與
舊列侯關內侯凡六等以賞軍又功進公爵為王設天子
旌旗出入稱警蹕王崩於洛陽時年六十謚曰武王葬高
陵

又曰漢桓帝時有黃星見於楚宋之分遼東商雋善天文
言後五十歲當有真人起於梁沛之間其鋒不可當至破
袁紹之歲凡五十年天下莫敵矣

魏書曰漢末太祖拒董卓命歸鄉里過故人成臯呂伯奢
伯奢不在其子八人備賓主之禮太祖自以背卓聞其食
器聲以為圖已夜殺八人而去既而歎曰寧我負人無人
負我

又曰太祖自御海內芟夷群醜其行軍用師大較依孫吳
之法而因事設奇量敵制勝變化如神自作兵書十餘萬
言諸將征伐以皆新書從事臨時又手為節度從令者克捷
違教者負敗與虜對陣意思安閑如不欲戰然及至決機乘
勝氣勢盈溢故每戰必克知人善察難眩以偽技于禁樂
進於行陣之間取張郃徐晃於亡虜之中皆佐命立功列
於名將其餘拔出細微登為牧守者不可勝數是以創造

大業文武並施御軍三十餘年手不捨書畫則講軍策夜則思經傳登高必乃賦新造詩被之管絃皆成樂章才力絕人手射飛鳥躬擒猛獸嘗於南皮一日射雉獲六十三頭及造作宮室繕治器械無不為之法則皆盡其意雅性節儉不好華麗後宮不衣錦繡侍御履不二綵帷帳屏風壞則補納茵蓐取溫無有緣飾攻城拔邑得靡麗之物則悉以賜有功勲勞宜賞不吝千金無功望施分毫不與四方獻御與群下共之常以禮送終之制襲稱之數繁而無益俗又過之故豫自為制終云衣服四篋而已

帝王世紀曰黃初元年追尊號謚曰武皇帝廟號曰太祖曹瞞傳曰操好飛鷹走狗遊蕩無度其叔父數言之於嵩

嵩操患之後逢叔父於路乃陽敗面喎口叔父怪問其故太祖曰卒中惡風叔父以告嵩嵩驚愕呼操面口貌如故嵩問曰叔父言汝中風已差乎操曰初不中風但失愛於叔父故見罔耳嵩乃疑焉自後叔父有所告嵩終不復信操於是益得肆意及為洛陽北部尉初尉繕治四門造五色棒懸門左右條十餘枚有犯禁者不問豪強皆棒殺死數月靈帝愛幸小黄門蹇碩叔父夜行即殺之京師歛迹莫敢犯者近習寵臣咸疾之然不能傷於是共稱薦操故遷為頓丘令操為人輕易無威重好音樂倡優在側恒以日達夕被服輕綺身自佩小盤囊以盛手巾細物時或冠給帽以見賓客每與人談論戲弄言辭盡無所隱及悅大

大業文武並施御軍三十餘年手不捨書晝則講軍策夜則思經傳登高必賦乃新造詩被之管絃皆成樂章才力絕人手射飛鳥躬擒猛獸嘗於南皮一日射雉獲六十三頭及造作宮室繕治器械無不為之法則皆盡其意雅性節儉不好華麗後宮不衣錦繡侍御履不二綵帷帳屏風壞則補納茵蓐取溫無有緣飾攻城拔邑得靡麗之物則悉以賜有功勲勞宜賞不吝千金無功望施分毫不與四方獻御與群下共之常以禮送終之制襲稱之數繁而無益俗又過之故豫自為制終云衣服四篋而已

帝王世紀曰黃初元年追尊號謚曰武皇帝廟號曰太祖曹瞞傳曰操好飛鷹走狗遊蕩無度其叔父數言之於嵩

嵩操患之後逢叔父於路乃陽敗面喎口叔父怪問其故太祖曰卒中惡風叔父以告嵩嵩驚愕呼操面口貌如故嵩問曰叔父言汝中風已差乎操曰初不中風但失愛於叔父故見罔耳嵩乃疑焉自後叔父有所告嵩終不復信操於是益得肆意及為洛陽北部尉尉繕治四門造五色棒懸門左右條十餘枚有犯禁者不問豪強皆棒殺死數月靈帝愛幸小黃門蹇碩叔父夜行即殺之京師歛迹莫敢犯者近習寵臣減疾之然不能傷於是共稱薦操故遷為頓丘令操為人輕易無威重好音樂倡優在側恒以日達夕被服輕綺身自佩小盤囊以盛手中細物時或冠給帽以見賓客每與人談論戲弄言辭盡無所隱及悅大

笑至以頭投杯案中餽膳皆沾汚巾憤其輕易如此然持
法峻刻諸將計畫勝出已者隨以法誅之及故人舊惡亦
皆無餘其所刑殺輒對之垂涕嗟痛之終無所活嘗出軍
行經麥中令士卒無敗麥犯者死騎士皆不騎止麥以相
付時操馬騰入麥中勅主簿議罪主簿對以春秋之義罰
不加尊操曰制法而自犯之何以帥下然孤為軍帥不可
設請自刑因授刀割髮以置地

世語曰魏武將見匈奴自以形陋不足雄遠國使崔季珪
代當自捉刀立牀頭坐既畢令間謂曰魏王何如匈奴使
答曰王雅望非常然牀頭捉刀人此乃英雄也魏王聞之
馳遣殺此使

博物志曰漢世安平崔瑗瑗子寔弘農張芝芝弟祖並善
草書而太祖亞焉桓譚蔡邕善音樂馮翊山子道王九真
郭凱等善園碁太祖皆與埒能又好養性法亦解方藥招
引方術之士廬江左慈譙郡華陀甘陵甘始陽城郗儉無
不畢至又習噉野葛至一尺亦得少多飲鴆酒

世說曰魏武帝嘗過曹娥碑不解楊脩讀碑背上題云黃
絹幼婦外孫壘曰魏武謂脩曰卿解未可言待我思之行
三十里魏武曰吾已得令脩別記所如脩曰黃絹色絲也
於字為絕幼婦少女也於字為妙外孫女子也於字為好
壘曰受辛也於字為辭所謂絕妙好辭武帝亦記之與脩
言同帝歎曰我才不如卿乃較三十里

唐太宗皇帝祭魏武帝文曰夫大德曰主資二儀以成化
大寶曰位應五運而遞昌貴賤廢興莫非天命故龍顏日
角顯帝王之符電影虹光表乾坤之瑞不可以智競不可
以力爭昔漢室鼎分群雄並立夫民離政亂安之者哲人
德喪時危定之者賢輔伊尹之匡殷室王道昏而復明霍
光之佐漢朝皇綱否而還泰立忠履節爰在於斯帝以惟
武之姿當艱難之運棟梁之任同乎曩時匡正之功異乎
往代觀沉溺而不援視顛覆而不持乖狗國之情有無君
之跡旣而三分肇慶黃星之應久章五十啓期真人之運
斯屬其天意也豈人事乎

文皇帝

上卷之五

魏志曰文皇帝諱丕字子桓武帝太子太祖崩嗣位為丞
相魏王延康元年十月升壇即祚改延康為黃初以荆揚
江表八郡為荊州孫權領牧故也荊州江北都郡為郢州
權破劉備於夷陵初帝聞備兵東下權交戰樹柵連營七
百餘里謂群臣曰備不曉兵豈有七百里營可以拒敵者
乎孫權叛帝自許昌南征諸軍兵並進權臨江拒守幸廣
陵故城陵江觀兵戎卒十餘萬旌旗數百里是歲大寒冰
舟不得入江乃引還七年春將幸許昌許昌城南門無故
自崩帝心惡之還洛陽宮五月帝崩於嘉福殿時年四十
帝好文學以著述為務自所勒成垂百篇又使諸儒撰集
經傳隨類相從凡千餘篇號曰皇覽

魏書曰帝生時有雲氣青色而圓如車蓋當其上終日望氣者以為至貴之證非人臣之氣年八歲能屬文有逸才遂博覽古今經傳諸子百家之言善騎射好擊劍州舉茂才不行

又曰文帝初在東宮疫厲大起時人凋傷帝深感歎與素所善者大理王即書曰人生有七尺之形死為一坏之士唯立德揚名可以不朽其次莫如著篇籍疾癘數起士人凋落餘獨何人能全其壽故論撰所著典論詩賦蓋百餘篇集諸儒於肅成門內講論大義侃侃無倦

吳志曰魏文帝出廣陵望大江曰彼有人焉未可圖也乃還

博物志曰魏文帝善彈碁能用手中角時有一書生又能低頭以所冠巾角碁碁

典論曰初平之元董卓弑帝鵠后盪覆王室時余年五歲以[上]世方擾亂教余學射六歲而知射教余乘馬八歲而能騎射矣以時之多難故每征伐余乘馬常從建安初上南征荊州至宛張綉降旬日而反亡兄孝廉子脩從兄安民遇害時余十歲乘馬得脫夫文武之道各隨時而用生平中平之季長於戎族之間是以少好弓馬余今不衰遂禽輒十里馳射常百步日夕體倦心每不厭建安十年始定冀州穢貳獻良弓燕岱獻名馬時歲之暮春勾芒司節和風扇物弓燥手柔草淺獸肥與族兄子丹獵於鄴西終

日獲麀鹿九雉兔二十後軍南征次內蠡尚書令荀或奉
使犒軍見余談論之末或言聞君善左右射此實難能余
言執事未覩夫項發口縱俯馬蹄而仰月支也或喜笑曰
乃爾余曰將有常經的有常所雖每發輒中非至妙也若
夫馳平原赴豐草要狡獸截輕禽使弓不虛彎所中必洞
斯則妙矣時軍祭酒張京在坐顧或俱拊手曰善余又好
擊劍閱師多矣四方之法各異唯京師為善余於他戲弄
之事少所喜唯彈棊略盡其巧少為之賦昔京師先上有
馬今鄉侯東方安世張公子常恨不得與彼數子者對上
雅好書籍雖在軍旅手不釋卷每定省從容常言人少好
學則思惠長則善於長大而能懃學者唯吾與袁伯業耳

余是以少誦論詩及長而備歷五經四部史漢諸子百家
之言靡不畢覽所著書論時賦凡六十篇至若知而能愚
勇而知怯仁以接物恕以及下以付後之良史

太平御覽卷第九十四

皇王部十九 上卷三

魏烈祖明皇帝 上卷二

齊王 上卷一

高貴鄉公 上卷二

陳留王 上卷二

烈祖明皇帝 上卷五

魏志曰明皇帝諱獻字元仲文帝太子也生而太祖愛之

常令在左右年十五封武德侯黃初二年為齊公三年為

平原王以其母誅故未建為嗣也七年夏五月帝病篤乃

立為皇太子丁巳即皇帝位詔太傅三公以文帝典論刻

石于廟門之外青龍見郊之靡陂井中可酉幸陂觀龍於

是改元為青龍靡陂為龍陂二年三月山陽公薨帝素服

發哀遣使持節典護喪事追謚山陽公為漢孝獻皇帝葬
 以漢禮孫權入居巢湖口向合肥新城又遣將陸遜孫韶
 各將萬餘人入淮沔六月征東將軍滿寵進軍拒之秋七
 月帝親御龍舟東征權攻新城將軍張顛等拒守力戰帝
 軍未至數百里權遁走群臣以為大將軍方與諸葛亮相
 持未解車駕可西幸長安帝曰權走亮膽破大將軍必制
 之吾無憂矣遂進軍幸壽春錄諸將功封賞各有差八月
 大曜兵饗六軍遣使者持節犒勞合肥壽春諸軍辛巳行
 還許昌宮司馬宣王與亮相持連圍積日亮數挑戰宣王
 堅壘不應會亮卒其軍退還景初元年泰山在縣言黃龍
 見狸於是士有司奏以為魏得之統宜以建丑之月為正

月定曆改元為孟夏四月服色尚黃犧牲用白戎車乘黑
 首白馬建大赤之旗朝會建太白之旗改太和曆為景初
 曆其春夏秋冬孟仲季月雖與正歲不同至於郊祀迎氣
 初祠蒸嘗巡狩蒐田分至啓閉班宣時令中氣早晚敬授
 民事皆以正歲斗建為曆數之序二年十二月帝寢疾不
 預太尉宣王還至河內帝驛馬召到引入卧内執其手謂
 曰吾疾甚以後事屬吾君君其與爽輔少子吾得見君無
 所恨矣宣王頓首流涕即日帝崩于嘉福殿年三十六葬

高平陵

魏書曰帝生數歲而有岐嶷之姿武皇帝異之曰我基於
 尔三世矣每朝讌會同與侍中近臣並列帷幄好學多識

特留心於法理容止可觀望之儼恪即位之後容受直言聽受吏民士卒上書一月之中至數十百封雖文辭鄙陋猶覽省究意無厭倦

又書青龍三年起太極諸殿築總章觀高十餘丈建鳳翔於其上又於上林園中起陂池楫權越歌又於列殿之北立八坊諸才人以次第序處其中貴人夫人已上轉南附馬其秩名擬百官之數帝常遊宴在內乃選女子知書可附信者六人以為女尚書使典省外奏事分當畫可自貴人已下至尚保及給掖庭洒掃習伎歌者各有千數通引穀水過九龍前為玉井綺欄蟾蜍含受神龍吐出使博士馬均作司南車水轉百戲歲首建巨戰龍曼延弄馬倒騎

備如漢西京之制築閭闔諸門闕外采音恩音太舍人張茂以吳蜀數動將出征而帝盛興宮室留意於玩飾賜與無度帑藏空竭乃上書諫之

魏氏春秋曰魏明帝天姿秀出立髮委地口吃少言而沉毅好斷初諸公受遺輔導帝皆以方位處之政自已出而優禮大臣開容善直雖犯顏極諫無摧戮也其君人之量如此之偉然不思建德垂風不固維城之甚至使大權偏據社稷無衛悲夫

魏略曰明帝歡平北邙令登臺見孟津辛毗諫曰若九河溢漏洪水為害丘陵皆夷何以禦之帝乃止

魏末傳曰初帝為平原王母甄后妬文帝殺之故不立為

太子嘗從文帝獵見鹿子母文帝射殺鹿母詔明帝射鹿子明帝曰陛下已殺其母臣不忍殺其子因涕泣文帝即放弓箭以此深奇之而建樹之意定矣

廢帝齊王芳

上壺

魏志曰齊王諱芳字蘭卿明帝無子養王及秦王詢宮省事秘莫有知其所由來者魏氏春秋曰或云任城王楷子也青龍三年立為齊王景初三年正月明帝病甚乃立為皇太子是日即皇帝位二月西城重譯獻火浣布詔大將軍太尉臨試以示百僚帝加元服賜群臣各有差大將軍司馬景王將謀廢帝以聞皇太后太后令曰皇帝芳春秋已長不親萬机耽淫內寵沉漫女德曰延倡優縱其醜譎日迎六宮家人

留止內房毀人倫之叙亂男女之節恭孝日虧悖傲滋甚不可以承天叙奉宗廟遣芳歸藩于齊以避皇帝位是日遷居別宮時年二十三歲使者持節送衛營齊王宮於河內之重門制度皆如藩國之禮儀

魏略曰景王將廢帝遣郭芝入白太后后與帝對坐芝謂帝曰大將軍欲廢陛下立彭城王據帝乃起去太后不悅芝曰太后有子不能教令大將軍意已成又勒兵在外以備非常但當從昔將復何言太后曰我欲見大將軍口有所說芝曰何可見耶但當速取璽綬太后意折乃遣傍御取璽綬着坐則芝出報景王景王甚懼又遣使者授齊王印綬當出就西宮帝受命遂載王車與太后別垂涕始從

太后殿南山郡臣送者數千人太尉司馬乎悲不自勝餘
多流涕王出後景王又使使者請璽綬太后曰彭城王我
之季也今來立我當何之且明帝當絕嗣乎吾以為高貴
卿公者文皇帝之長孫明皇帝之弟子於禮小宗有後太
宗之義其詳議之景王乃更召群臣以皇太后令示之乃
定迎高貴鄉公是時太常以發二日侍璽綬於溫事定有
請璽綬太后令曰我見高貴鄉公小時識之明日我自欲
以璽綬手授之。

魏世譜曰晉受禪封齊王為邵陵公年四十三太后十年
薨謚曰厲公

廢帝高貴鄉公

魏志曰高貴鄉公諱髦字彥士文帝孫東海定王霖子也
正始五年封鄒縣高貴鄉公少好學夙成齊王廢公卿議
迎立公十月公至于玄武館群臣奏請舍前殿公以先帝
舊處避止西廂群臣又請以法駕迎公不聽庚寅公入於
洛陽群臣迎拜西掖門南公下與將谷拜饋者請曰儀不
拜公曰吾人臣也遂谷拜至止車門下與左右曰舊乘輿
入公曰吾被皇太后徵未知所為遂步至太極東堂見於
太后是日即皇帝位百僚陪臣者欣欣焉甘露元年夏四
月幸太學問諸儒曰聖人幽贊神明仰觀俯察始作八卦
後聖童之為六十四立爻以極數凡斯大義罔有不備而
夏有連山殷有歸藏周曰周易易之書其故何也易博士

淳于俊對曰庖犧因燧之圖而制八卦神農演之為六十
 四黃帝堯舜通其變三代隨時質文各繇其事故易者變
 易也名曰連山似山出納雲氣連天地也歸藏者萬事莫
 不歸藏於其中也帝又曰若使庖犧因燧皇而作易孔子
 何以不云燧人氏浚庖犧氏作乎俊不能荅講易畢復命
 講尚書帝問曰鄭玄云稽古同天言堯同於天也王肅云
 堯順考古道而行之二義不同何者為是博士庾峻對曰
 先儒所執各有乖異臣不足以定之然洪範稱三人占從
 二人之言賈馬及肅皆以為順考古道以洪範言之肅義
 為正帝曰仲尼言唯天為大唯堯則之堯之大美在乎則
 天順考古道非其至也今發開義以明聖德而舍其夫更

稱其細豈作者之意耶峻對曰臣奉遵師說未喻大義至
 於文質折中裁之聖思復命講禮記帝問曰太上立德其
 次務施報而平何由而教化各異皆脩何政而能致於立
 德施而不報乎博士馬照對曰太上立德位三皇五帝之
 世以德化民其次施報謂三王之世以禮為治也帝曰二
 者教化厚薄不同將主有優劣耶時使之然乎照對曰誠
 由時有樸文故化有薄厚辛未帝幸壁雍會命群臣賦詩
 侍中和道暗尚書陳騫等作詩賦稽留有司奏免官詔曰
 吾以闇昧愛好文雅廣延詩賦以知得失而乃爾紛紜良
 用反側其道原等主者宜勅自尔已後群臣皆當翫習古
 義脩明經典稱朕意焉

魏氏春秋曰公神明爽雋德音宣朗罷朝景王私曰上何如主也鍾會對曰才同陳思武類太祖景王曰若是卿言社稷之福也

又曰甘露元年二月帝燕群臣於太極東堂與侍中荀顛尚書崔贊表亮鍾毓中帝令虞松等並講述禮典遂言帝王優劣之差帝慕夏少康因問顛等曰有夏既衰后相殆滅少康收集夏衆復禹之績漢高祖拔起隴畝驅帥豪雋芟夷秦項包舉宇內斯二主可謂殊才略命異世大賢者也考其功德誰宜為優顛等對曰夫天下重器王者天授聖德應期運難易不同然後能受命創業至於階緣前緒與復舊績造之與復固流可也至如高祖臣等以為優帝曰自古帝

王功德言行互有高下未必創業者皆優紹繼者咸劣也湯武高宗雖俱受命賢聖之外所覺懸殊少康殷宗中興之美夏啓周成守文之盛論德校實方諸漢祖吾見其優未聞其劣顧所遇之時殊故所明之功異爾少康生於滅亡之後降為諸侯之隸崎嶇逃難僅以身免能布其德而兆其謀卒滅過戈克復禹績祀夏配天下不失舊物非至德弘仁豈濟斯勲漢祖因土崩之山勢仗一時之權專任智力以成功業行事動靜多違聖檢為人子則數危其親為人君則囚繫賢相為人父則不能衛子身沒之後社稷幾傾若與少康易時而處或未能復大禹之績也推此言之宜高夏康而下漢祖矣

漢晉陽秋曰帝見威權日去不勝其忿乃召侍中王沉尚書王經散騎常侍王業謂曰司馬昭之心路人所知也吾不能坐受廢辱今日當與卿自出討之王經曰昔魯昭公不忍季氏敗走失國為天下笑今權在其門久矣朝廷四方皆為之致死不顧逆順之理非一日也且宿衛空闕兵甲寡弱陛下何所資用而一旦如此無乃欲疾除而更深之耶禍殆不測宜見重詳帝乃出懷中板令投地曰行之決矣正使死何所恨况不必死耶於是入白太后沉業奔走告文王女王為之備帝遂帥僮僕數百鼓譟而出文王第七也騎校尉音入遇帝於東止車門左右呵之音衆奔走中護軍賈充又逆帝戰於南闕下帝自用劍揮衆音退

太子舍人成濟問充曰事危音矣當云何充曰今日之事無所問也濟即前刺帝刃出於背音文王聞大驚自投於地曰天下其謂我乎太傅字奔往枕帝股而哭哀甚曰殺陛下臣之罪也音葬高貴鄉公於洛陽西北三十里屈澗之濱下車數乘不設旌旒百姓相聚而觀之曰是前日所殺天子也或掩面而泣悲不自勝

帝王世紀曰高貴鄉公為太子舍人成濟所害年二十以公禮葬之

陳留王 上卷五

魏志曰陳留王諱奐字景明武帝孫燕王宇之子也甘露三年封安次縣常道鄉公高貴鄉公卒公卿議迎立公六

月入于洛陽即皇帝位於太極前殿大赦改元景元四年
詔伐蜀命征西將軍鄧艾督率諸軍趨甘松沓中雍州刺
史諸葛緒督諸軍趨武都高樓首尾蹙討若擒姜維便當
東西並進掃滅巴蜀又命鎮西將軍鍾會由駱谷伐蜀所
至輒克十一月蜀主劉禪降巴蜀皆平成熙二年命晉王
冕十有二旒建天子旌旗進王妃為王后世子為太子八
月相國晉王薨太子炎紹封襲位總攝百揆十二月禪位
于晉改次于金墉城而終館于鄴時年二十在位六年
帝王世紀曰陳留王旣位禪晉封陳留王就國治鄴奉魏
宗祀

魏世譜曰晉封帝為陳留王年二十八太安元年崩謚曰

元皇帝

魏志評曰古者以天下為公唯賢是與後代世位立子以
嫡若嫡嗣不繼則宜取旁親明德若漢之文宣者斯不易
之常准也明帝旣不能然情繫私愛撫養嬰孩傳以大器
託付不專必叅枝族終於曹爽誅夷齊王替位高貴公才
惠夙成好問尚辭亦文帝之風流也然輕躁肆忿自陷大
禍陳留王恭已南面宰輔統政仰遵前式揖讓而禪遂饗
封大國作賓于晉比之山陽班寵有加焉

太平御覽卷九十四
西晉宣帝
其先出自帝高陽之子重黎為夏官祝融歷唐虞夏商世
序其職及周以夏官為司馬其後程伯林父周宣王時以
世官尅平徐方錫以官族因而為氏楚漢間司馬昂為趙
將與諸侯伐秦亡立為殷王都河內漢以其地為郡子孫
遂家焉自昂八世生征西將軍鈞字叔平鈞生豫章太守
量字公度量生穎川太守雋字元異雋生京兆尹防字建
公帝即防之第二子也少有奇節聰明多大畧博學洽聞

太平御覽卷九十五

皇王部二十

西晉宣帝 上五

晉書曰宣帝諱懿字仲達河內溫縣孝敬里人姓司馬氏
其先出自帝高陽之子重黎為夏官祝融歷唐虞夏商世
序其職及周以夏官為司馬其後程伯林父周宣王時以
世官尅平徐方錫以官族因而為氏楚漢間司馬昂為趙
將與諸侯伐秦亡立為殷王都河內漢以其地為郡子孫
遂家焉自昂八世生征西將軍鈞字叔平鈞生豫章太守
量字公度量生穎川太守雋字元異雋生京兆尹防字建
公帝即防之第二子也少有奇節聰明多大畧博學洽聞

伏膺儒教漢末大亂常慨然有憂天下心南郡太守同郡
楊俊有知人之鑒見帝未弱冠以為非常之器尚書清河
崔琰與帝兄即善亦謂即曰君弟聰亮明允到斷英特非
子所及也漢建安六年郡舉上計掾魏武帝為司空聞而
避之帝知漢運方微不欲屈節曹氏辭以風痺不能起居
魏武使人夜往密刺之帝堅卧不動及魏武為丞相又辟
文學掾勅行者曰苦復盤桓便收之帝懼而就職於是使
與太子遊處遷黃門侍郎轉議郎丞相東曹屬尋轉主簿
魏國既建遷太子中庶子每與大謀輒有奇策為太子所
信重與陳郡吳瑱朱鑠號為四友遷行軍司馬言於魏武
曰昔箕子陳謀以食為首今天下不耕而食者蓋二十餘

萬非經國遠籌也雖戎甲未卷自宜且耕且守魏武納之
於是務農積穀國用豐贍及魏武薨於洛陽朝野危懼帝
網紀喪事內外肅然乃奉梓宮還鄴魏文帝即位封河津
亭侯轉丞相長史及魏受漢禪以帝為尚書頃之轉督軍
御史中丞封安國鄉侯黃初二年督軍官罷遷侍中尚書
右僕射五年天子南巡觀兵吳疆帝留鎮許昌改封向帝
侯轉撫軍大將軍行郎領兵五千以給事中錄尚書事鄉
固辭天子曰吾於庶事以夜繼晝無須吏寧息此非以為
榮乃為分憂耳六年天子復大興舟師征吳復命帝居守
臨行詔曰吾深以後事為念故以委卿曹叅雖有戰功而
蕭何為重使吾無西顧之憂不亦可乎天子自廣陵還洛

陽詔帝曰吾東撫軍當摠西事吾西撫軍當摠東事於是
留帝鎮許昌及天子疾篤帝與備曹真陳群等見於崇華
殿之南堂並受顧命輔政詔太子曰有聞此三公者慎勿
疑之明帝即位改封舞陽侯及孫權圖江夏遣其將諸葛
瑾霸拜張霸拜攻襄陽帝督諸軍討權走之進擊敗瑾斬張霸
拜首級千餘遷驃騎將軍太和元年六月天子詔帝屯於
宛加督荆豫二州諸軍事初蜀將孟達之降也魏朝遇之
甚厚帝以達言行傾巧不可任驟諫不見聽乃以達領新
城太守封侯假節達於是連吳固蜀潛圖中國帝以書諭
之達得書大喜猶與不決帝乃潛軍進討上庸城三面阻
水達於城外為木柵自固帝渡水破其柵直造城下八道

攻之旬有六日達甥鄧賢將李轉等開門出降斬達首傳
京師俘獲萬餘人振旅還于宛乃勸農桑禁浮費南土悅
附馬馬時邊郡新附多無名戶魏朝欲嘉隱實屬帝朝於京
師天子訪於帝帝對曰賊以密網束下故下弃之宜弘以
大綱則自然安樂又問二虜宜討何者為先對曰吳以中
國不習水戰故敢散居東關凡攻敵必先振其喉而春其
心夏口東關賊之心喉若為陸軍以向皖音患城引權東下
為水戰軍向夏口乘其虛而擊之此神兵從天而隋破之
必矣天子並然之復命帝屯于宛四年遷大將軍嘉大都
督假黃鉞與曹真伐蜀軍次丹口遇雨班師明年諸葛亮
寇天水圍將軍賈嗣魏平於祁山天子曰西方有事非君

莫可付者乃使帝西屯長安都督雍梁二州諸軍事統軍
騎將軍張劼後將軍費曜征蜀護軍戴陵雍州刺史郭淮
等討亮遂進軍隴_{式朱}麋亮聞大軍且至乃自師衆將芟
音上却_{音圭}之麥諸將皆懼帝曰亮慮多決少必安營自固
然後芟麥吾得二日兼行足矣於是卷甲晨夜赴之亮望
塵而遁進次漢陽與亮相遇帝列陣以待之使將牛金輕
騎誘之兵纔接而亮退追至祁山亮屯鹵城據南北二山
斷水為重圍帝攻之拔其圍亮宵遁追擊破之俘斬萬計
天子使使勞軍增封邑二年亮又帥衆十餘萬出斜谷壘
于郿_音之渭水南原天子憂之遣征蜀將軍秦朗督步騎
二萬受帝節度諸將往渭北待之帝曰百姓積聚皆在

渭南此必爭之地也遂引軍而濟背水為壘因謂諸將曰
亮若勇者當出武功依山而東若西上五丈原則諸軍無
事矣亮果上原將北渡渭帝遣將軍周當屯陽遂以餌之
數日亮不動遂遣將軍胡遵雍州刺史郭淮共備陽遂與
亮會于積石臨原而戰亮不得進還於五丈原會有長星
墜亮之壘帝知其必敗遣哥兵_音亮之後斬五百餘級
獲生口千餘降者六十餘人三年遷太尉累增封邑蜀將
馬岱入寇帝遣將軍牛金擊走之斬千餘騎四年遼東太
守公孫文懿反徵帝詣京師天子曰此不足以勞君事欲
必尅故以相煩耳君度其作何計對曰棄城預走上計也
據遼水以拒大軍次計也坐守襄平此成擒耳天子曰其

計將安出對曰惟明者能深度彼我乃能豫有所制棄此
非其所及也今懸軍遠征將謂不能持久必先拒遼水而
後守此中下計也天子曰往還幾時對曰往百日還百日
攻百日以六十日為體息一年足矣景初二年帥牛金胡
遵等步騎四萬發自京都車駕送出西明門詔第孚子師
送過溫賜以穀帛牛酒勅郡守典農已下皆往會焉見父
老故舊讌飲累日帝歎自恨然有感為歌曰天地開闢日
月重光遭遇際會卑力遐方將掃群穢還過故鄉肅清萬
里拋齊入荒告成歸老待罪舞陽遂進師經孤竹越碣石
次于遼水文懿果遣步騎數萬阻遼隧堅壁而守南北六
十七里以拒帝帝盛兵多張旗幟出其南賊盡銳赴之乃

泛舟濬濬以出其北與賊營相逼沉舟焚梁傍遼水作長
圍棄賊而向襄平賊見兵出其後果邀之乃縱兵逆擊大
破之三戰皆捷賊保襄平進軍攻之初文懿聞魏師之出
也請救於孫權權亦出兵遙為之聲援遺文懿書曰司馬
公善用兵變化若神所向無前深為第憂之會霖潦大水
平地數尺賊恃水樵採自若朝廷聞師遇雨咸謂召還天
子曰司馬公臨危制變計日擒之矣既而雨止遂合圍起
土山地道楯櫓鈞橦發矢石雨下晝夜攻之文懿大懼乃
使其所署相國王建御史大夫柳甫乞降請解圍面縛不
許執建等皆斬之文懿復遣侍中衛演乞尅日送任帝謂
演曰軍事大要有五能戰當戰不能戰當守不能守當走

餘二事惟有降與死耳汝不肯面縛此為決就死也不須
送任文懿攻南園突出帝縱兵擊敗斬于梁又作水
上時有兵士寒凍乞襦帝弗之與或曰幸多故襦可以賜
之帝曰襦者官物人臣無私施也遂班師天子遣使者勞
軍于薊增封食昆陽并前二縣及齊王即位遷侍中持節
都督中外諸軍錄尚書事與曹爽各統兵三千人共執朝
政更直殿中乘輿入殿爽欲使尚書奏事先由已乃言於
天子徙帝為大司馬朝議以為前後太司馬累薨於位乃
以帝為太傅入殿不趨贊拜不名劔履上殿如漢蕭何故
事八年夏四月曹爽用何晏鄧颺下謚之謀遷太后於永
寧宮專擅朝政兄弟並典禁兵多樹親黨屢改制度帝不

能禁於是與爽有隙五月帝稱疾不與政事九年春三月
黃門張當私出掖庭才人石英等一十一人與曹爽為俠
人爽晏謂帝疾篤有無君之心與當密謀圖危社稷期有
日矣帝日潛為之備爽之徒屬亦頗疑帝為河南尹李勝
將蒞荆來未候帝帝詐疾篤使兩侍婢持衣衣落指口言
渴婢進粥帝不能持杯飲粥皆流出潛留勝曰衆情謂明
公舊風發動何意尊體乃爾帝使聲氣絕屬屬說年老抱疾
死在旦夕君當屈并州并州近胡善為之備恐不獲相見
以子師昭弟兄為託勝曰當還本本州非并州也帝乃錯
亂其辭曰君方到并州勝復曰當本荊州帝曰年老意荒
不解君言今還本州盛德壯烈好建功勳勝退告爽曰司

馬公尸居餘氣形神已離不足慮矣他日又言曰太傅不可復濟令人愴然故爽等不復設備嘉平元年春正月甲午天子謁高平陵爽兄弟皆從是日太白襲月帝於是奏永寧太后廢爽兄弟時景帝為中護將軍屯司馬門帝列陣闕下經爽門爽帳下督嚴世上樓引弩將射帝孫謙止之曰事未可知三注三止皆引其時不得發大司農桓範出赴爽將濟言於帝曰智囊往矣帝曰爽與範內疎而智不及駑馬恋短豆必不能用也於是假司徒高柔節行大將軍事領爽營謂柔曰君為周勃矣命太僕王觀行中領軍攝義營帝親師太尉將濟等勳兵出迎天子屯于洛水浮橋上奏曰先帝詔陛下濟王及臣升于御床握臣

臂曰深以後事為念今大將軍爽背棄顧命敗亂國典內則備擬外專威權群吏要職皆置所親宿衛舊人並見廢黜根據繁牙縱恣日甚又以黃門張當為都監專共交關伺候神器天下洶洶人懷危懼陛下使為寄坐豈得久安此非先帝詔陛下及臣升御床之本意也臣雖朽邁敢忘前言昔趙高極意秦是以亡呂霍早斷漢祚永延此乃陛下之殷鑒臣授命之秋也公卿群臣皆以爽有無君之心兄弟不宜典兵宿衛奏皇太后勅如奏施行臣輒勅主者及黃門令罷爽義訓吏兵各以本官侯就第若稽留車駕以軍法從事臣輒力疾將兵詣洛水浮橋伺察非常爽不通奏留車駕宿伊水南伐樹為鹿角發屯兵數千人以守

桓範果勸爽奉天子幸許昌傳檄徵天下兵爽不能用
而夜遣侍中許允尚書陳泰詣帝以觀望風旨帝數其過
失事止免官泰還以報爽觀之通奏帝又遣爽所信殿中
校尉尹大目諭爽指洛水為誓爽意信之桓範等援引古
今諫說萬端終不能從乃曰司馬公正當欲奪吾權耳吾
得以侯還第不失為富家翁範拊膺曰坐卿滅吾族矣遂
通帝奏既而有司劾黃門張當并發爽與何晏等反事乃
收爽兄弟及其黨與何晏丁謐鄧颺畢軌李勝桓範等誅
之二月天子以帝為丞相增封八縣邑二萬戶奏事不名
故讓丞相冬十二月加九錫之禮朝會不拜固讓九錫二
年春正月天子命帝立廟于洛陽帝以久疾不任朝請每

有大事天子親幸弟以諮訪焉三年天子使燕大鴻臚太
僕庾嶷持節冊命帝為相封國安平郡公固讓不受六月
帝寢疾八月崩于京師時年十三武帝受禪上尊號曰
宣皇帝陵曰高原廟稱高祖虞預晉書曰上雖服膺文藝
以儒素立德雅而有雄霸之量值魏氏短祚內外多難謀
而鮮過幸必獨克知人拔善顯外反陋主基鄧艾周秦賈
越之徒皆起自寒門而著績於朝經略之才可謂遠矣
異苑曰晉宣帝諸王陵後寢疾曰見陵逼帝呼曰彥雲
陵之緩我身上便行打處賈逵亦為崇少曰遂薨初陵既
被執過賈逵呼曰賈梁道王陵魏之忠臣唯爾有神知
之故遠助焉及永嘉之亂有覲見帝涕泗云家國傾覆是

太平御覽卷第九十五
曹爽夏侯玄訴怨得伸故也爽以勢族致誅玄以時望被戮

前空三行

太平御覽卷第九十五 宋本校 計七頁

太平御覽卷第九十六

一皇王部二十一

西晉景帝 上卷三

文皇帝 上卷四

世祖武皇帝 上卷三

景帝 上卷五

晉書曰景皇帝諱師字子元宣帝長子也雅有風彩沉毅多大略少流美譽與夏侯玄何晏齊名晏常稱曰惟幾也能成天下之務司馬子元是也魏景初中拜散騎常侍累遷中護軍為選用之法舉不越功吏無私焉宣帝之將誅曹爽深謀秘策獨與帝讚畫文帝弗知之也將發夕乃告之既而使人覘之帝寢如常而文帝不能安席晨會兵馬

司門鎮靜內外置庫其整宣帝曰此子竟可也初帝陰養死士三千散在各門至是一朝而衆莫知其所出也事平以功封長平鄉侯食邑千戶尋加衛將軍正元元年春正月天子與中書令李豐豐后父光祿大夫張緝七入黃門監蘇籛音藥又書藥切等謀以太常夏侯玄代帝轉政帝密知之使舍人王羨以車迎豐豐見迎隨羨而至帝數之豐知禍及因肆惡言帝怒遣勇士以刀鑿築殺之遂捕玄緝等皆夷三族三月乃諷天子廢皇后張氏因下詔曰姦臣李豐等靖讚庸回陰搆凶慝大將軍糾慶天刑政之誅辟周勃之尅呂氏霍光之擒上官曷以過之其增邑九千戶拜前四萬帝讓不受天子以玄緝之誅深不自安而帝亦慮難作

潛謀廢立乃密諷魏永寧太后秋九月甲戌太后下令遣使迎高貴鄉公於元城而立之改元曰正元天子受璽情惰舉趾高帝聞而憂之及將大會帝訓於天子曰夫聖王重始正本敬初古人所慎也明當大會萬衆瞻穆穆之容公卿聽玉振之音詩云示人不佻是則是効易曰出其言善則千里之外應之雖禮儀周備猶宜加以祗恪以副四海顒顒式仰癸巳天子昭登位相國曹增邑九千并前四萬戶進號大都督假黃鉞入朝不趨奏事不名劔履上殿帝固辭相國二年春正月有彗星見于吳楚之分西北竟天鎮東大將軍毋丘儉揚州刺史文欽舉兵作亂矯太后令移檄郡國爲壇盟於西門之外各遣子四人質于吳

以請救二月儉欽帥衆六萬渡淮而西帝會公卿謀征討
計朝議多謂可遣諸將擊之王肅及尚書傅嘏中書侍郎
鍾會勸帝自行戊午帝統中軍步騎十餘萬以征之倍道
兼行召三萬兵大會于陳許之郊甲申次于隱橋儉將史
招李續相次來降儉欽移入項城帝遣荊州刺史王基進
據南項以逼之帝深壁高壘以侍東軍之集諸將請進軍
攻其城帝曰諸軍得其未得其立淮南將士本無反志
且儉欽欲蹈縱橫之跡習秦儀之說謂遠近必應而事起
之日淮北不從史招李續前後瓦解內乖外叛自知必敗
困獸思鬪速戰更合其志雖云必尅傷人亦多且儉等欺
誑將士詭變萬端少與持久詐情自露此不戰而尅之也

乃遣諸葛誕督豫州諸軍自安風向壽春征東將軍胡遵
督青徐諸軍出譙宋之間絕其歸路帝屯汝陽遣兗州刺
史鄧艾督太山諸軍進屯樂嘉示弱以誘之欽進軍將攻
艾帝潛軍銜枚徑進樂嘉與欽相遇欽子鴛年十八勇冠
三軍謂欽曰及其未定請登城鼓譟擊之可破也旣謀而
行三譟而欽不能應鴛退相與引而東帝謂諸將曰欽走
矣三鼓而欽不應其勢已屈不走何待欽將遁鴛曰不先
折其勢不得去也乃與驍騎十餘摧鋒陷陣所向皆披靡
遂引去帝遣左長史司馬璉督驍騎八千翼而追之欽父
子與麾下走保項城儉聞敗棄衆宵遁淮南安風津都尉
儉斬之傳首京都欽遂奔吳淮南平初帝目有瘤疾使醫

割之驚之來攻也驚而目出恐六軍知之蒙之以被痛甚
齧被破而左右莫知焉閏月疾篤使文帝摠統諸軍辛亥
崩于許昌時年四十八歲武帝受禪上尊號曰景皇帝陵
回峻平廟稱世宗

文皇帝

晉書曰皇帝諱昭字子上景皇帝之母弟魏景初三年封
新城鄉侯征元初為洛陽典農中郎將值魏明會後之後
帝蠲除苛辟不奪農時百姓大悅轉散騎常侍大將軍曹
爽之伐蜀也以帝為征蜀將軍副夏侯玄出駱谷次于興
勢蜀將王林夜襲帝營帝堅卧不動林退帝謂玄曰費禕
以據險拒守進不獲戰攻之不可宜函旋軍以為後圖爽

等引還禕果馳兵趣三嶺爭險乃得過還拜議郎及誅曹
爽帥衆衛二宮以功增邑千戶高貴卿公之立也以參定
策進封高都侯邑二千石母丘儉文欽之亂大軍東征帝
兼中領軍留鎮洛陽及景帝疾篤帝自京師省疾拜衛將
軍景帝崩天子命帝鎮許昌尚書傅嘏帥六軍還京帝用
嘏及鍾會策自帥軍而還至洛陽進位大將軍加侍中都
督中外諸軍錄尚書事輔政劔履上殿固辭不受甘露元
年春加大都督奏事不名夏六月進封高都公地方七百
里加九錫假斧鉞進號大都督劔履上殿又故辭不受
秋八月庚申加假黃鉞增封三縣二年夏五月辛未鎮東
大將軍諸葛誕殺楊州刺史樂琳以淮南作亂遣子覲

為質於吳以請救議者請速伐之帝曰誕以母丘儉輕疾
傾覆今必外連吳寇此為變大而遲吾當與四方同力全
勝制之秋七月奉天子及皇太后東征徵兵青徐荆豫分
取關中遊軍皆會淮北師次于項城假廷尉何禎節度淮
南宣尉將士申明逆順示以誅賞甲戌帝進軍丘頭因命
合圍三年春正月諸葛誕文欽等出攻長圍諸軍逆擊走
之初誕欽內不相協及至窮蹙轉相疑二會欽計事於誕
忤誕手刃殺欽欽子鴛攻誕不克踰城降以為將軍封侯
使鴛巡城市而呼帝見城上持弓者不發謂諸將曰可攻
矣二月乙酉攻而拔之斬誕夷三族四月歸于京師魏帝
令改丘頭為武丘以旌武功五月天子以并州太原上黨

西河樂平新興鴈門司洲之河東平陽八郡地方七百里
封帝為晉公加九錫進位相國九讓乃止景元元年夏四
月天子既以帝三世宰輔政非已出情不能安又慮發辱
將臨軒召百僚而行放出五月戊子夜使冗從僕射李昭
等發甲於陵雲臺召侍中王沉散騎常侍王業尚書王經
出懷中黃素詔示之戒嚴俟旦沉業馳告于帝召護軍賈
充等為之備天子知事泄帥左右攻相府稱有所討敢有
動者族諸相府兵將止不敢戰賈充叱諸將曰公畜養汝
輩正為今日耳太子舍人成濟抽戈犯蹕天子崩于車中
帝召百僚謀其故僕射陳泰不至帝遣其舅荀顛與致之
定于曲室謂曰玄伯天下其如我何泰曰唯斬賈充可以

謝天下帝曰卿更思其次泰曰但見其上不見其次於是歸罪成濟而斬之與公卿議立燕王宇之子常道卿公瑛音瑋為帝二年秋八月甲寅天子使太尉高柔授帝相國印綬司鄭冲致晉公茅士九錫固辭三年夏四月肅慎來獻楛矢石弩弓甲貂皮等天子命歸大將軍府四年夏帝將伐蜀徵四方之兵十八萬使鄧艾自狄道攻姜維於沓中雍州刺史諸葛緒自祁山軍武街絕維歸路鎮西將軍鍾會帥前將軍李輔征蜀護軍胡烈等自駱谷襲漢中秋八月軍發洛陽大賚將士陳師誓衆將軍鄧敦謂蜀未可討帝斬以徇九月使天水太守王頎攻維營隴西太守牽弘邀其前金城太守楊欣趣甘松鍾會分為二隊入自斜谷

使李輔圍王含於樂城又使部將易愷攻蔣斌於漢城會直指陽安護軍胡烈攻陷關城姜維聞之引還王頎追敗維於強川維與張翼廖化合軍守劔閣鍾會攻之冬十月天子以諸侯獻捷交至詔加九錫帝乃受命十一月鄧艾帥萬餘人自陰平踰絕險至於江油破蜀將諸葛瞻於綿竹斬瞻首傳道進軍雒縣劉禪降天子命晉公以相國摠百揆於是上節傳去侍中大都督錄尚書之號焉咸熙元年春正月乙丑帝奉天子西征次至于長安遣護軍賈充持節督諸軍據漢中鍾會遂反於蜀監軍衛瓘右將軍胡烈攻會斬之景辰帝至自長安三月乙卯進爵為王增封拜前二十郡冬十月庚午天子命中撫軍新昌鄉侯炎為

晉世子二年五月天子命帝冕十有二旒建天子旌旗出
警入蹕乘金銀車駕六馬備五時副車置旄頭雲罕樂儔
八佾設鍾虞音巨宮懸位在燕王上進王妃爲王后世子爲
太子王女王孫爵命之號皆如帝者之儀秋八月辛卯帝
崩于靈寢時年五十五九月癸酉葬崇陽陵謚曰文王武
帝受禪追尊號曰文皇帝廟稱太祖

世祖武皇帝

卷五

晉書曰武皇帝諱炎字安世文帝長子也寬惠仁厚沉深
有度量魏嘉平中封北平亭侯歷給事中奉車都尉中壘
將軍加散騎常侍累遷中護軍假節迎常道鄉公於東武
陽遷中撫軍進封新昌鄉侯及晉國建立爲世子拜撫軍

大將軍開府副二相國初文帝以景帝既宣之嫡嫡早世
無後以帝弟攸爲嗣特加愛異自謂攝居相位百年之後
大業宜歸攸何曾等因帝之天下也吾何與焉將議立世
子屬意放攸何曾等因爭曰中撫軍聰明神武有超世之
才髮委地手過膝此非人臣之相也由是遂定咸熙二年
五月立爲晉王太子八月辛卯文帝崩太子嗣相國晉王
位十一月乙酉令諸群中正以六條舉淹滯是時晉德旣
洽四海宅心於是天子知歷數有在乃使太保鄭冲奉策
曰咨爾晉王我皇祖有虞氏誕膺靈運受終于陶唐亦以
命于有夏惟三后陟配于天而咸用光敷聖德自茲厥後
天又輯音集大命于漢火德旣衰乃眷命我高祖方軌虞夏

四代之明顯我弗敢知惟王乃祖乃父服膺昭哲輔弼我
皇家勲德光于四海格上下神祇罔不列順地平天成萬
邦以及應受上之命皇極之肆予一人祇中祇承天序
以敬授爾位曆數實在爾躬允執其中天祿永終於戲王
其欽順天命率循訓典底綏四國用保天休無替我二皇
之休烈帝初以禮讓魏朝公卿何魯王沉等固請乃從之
太始元年冬十二月景寅設壇于南郊百寮在位及匈奴
南單于四夷會者數萬人柴燎告類于上帝於是大赦改
元賜天下爵人五級三年春正月癸丑白龍二見于弘農
澠池丁卯立皇子衷為皇太子九月甲申詔曰古者以德
詔爵以庸制祿雖為下士猶食上農外足以奉公忌私內

足以養親施惠今在位者祿不代耕非所以崇化之本也
其議增吏俸四年己未詔王公卿尹及郡國守相舉賢良
方正直言之士十二月班五條詔書於郡國一曰正身二
曰勤百姓三曰撫孤寡四曰敦本息末五曰去人事庚寅
帝臨聽訟觀錄廷尉洛陽獄囚親平決馬馬八年春正月癸
亥帝耕于籍田二月乙亥禁雕文綺組非禮法之物詔內
群官舉任邊近者二人帝與右將軍皇甫陶論事陶與帝
爭言散騎常侍鄭徽表請罪之帝曰謹言審諤所望於左
右也人主常以阿媚為患豈以爭臣為損哉徽越職妄奏
豈朕之意遂免徽官咸寧四年十一月太醫司馬程據獻
雉頭裘帝以奇伎異服非典禮所禁焚之于殿前五年大

舉伐吳遣鎮東將軍瑯琊王佃出徐中安東將軍王渾出
江西建威將軍王戎出武昌平西將軍胡奮出夏口鎮南
大將軍杜預出江陵龍驤將軍王濬廣武將軍唐彬率巴
蜀之卒浮江而下東西凡二十餘萬以太尉賈充爲大都
督行冠軍楊濟爲副總統衆軍十萬太康元年春正月己
丑朔五色氣貫日癸巳王渾尅吳尋陽賴鄉諸城獲吳武
威將軍周興二月戊午王濬唐彬等尅丹陽城庚申又尅
西陵壬戌濬又尅夷道樂鄉城甲戌杜預尅江陵三月壬
申王濬以舟師至於建業之石頭孫皓大惧而縛輿觀降
于軍門濬杖節解縛焚檣送于京師收其圖籍尅州四郡
四十三縣三百一十三戶五十二萬三千吏三萬二千兵

二十三萬男女二百三十萬其牧守已下皆因吳所置除
其苛政示之簡易吳人大悅乙酉大赦改元賜酺五日恤
孤老困窮九月群臣以天下一統屢請封禪帝謙讓弗許
泰熙元年春正月辛酉改元夏四月己酉帝崩于含章殿
時年五十五在位二十五年葬峻陽陵廟號世祖。

謝靈運論曰世祖受命禎祥屢臻苛慝不作萬國欣戴遠
至邇安足以彰公天咨其運民樂其功矣反古之道當以
美爲先今五等罔邢井田王制凡諸禮律未能是正而採
擇嬪媛不拘華門者昔武王伐紂歸傾宮之女不以助紂
爲虐而世祖平皓納吳妓五千是同皓之弊婦人之封亦
國亂政如追贈外曾祖母違古之道凡此非事並見前書

誠有點於微猷史氏所不敢蔽也

唐太祖晉武帝紀論曰武皇承基誕膺天命握圖御禹敷
化弘道民以佚而伐勞世以治而易亂絕織綸之貢去雕
琢之飾制奢俗以變約俾澆風而反淳雅好言直畜心採
擢劉毅裴楷以質直而見容稽紹許竒雖仇讎而不棄仁
以御物寬而得衆宏略大度有帝王之量焉于時民和俗
靜家給民足聿脩武用思啓封疆次神笑於深衷斷雄圖
於議表馬隆西伐王濬南征師不延時獯虜削跡兵無血
刃揚越為墟通近代之不通服前王之不服禎祥顯應風
教肅清天地之功成矣霸王之業大矣雖登封之禮讓之
而不為而驕泰之心因斯以起見土地之廣謂萬葉而無

虞觀天下之安謂千年而永治不知處廣以思狹則廣可
長存居治而忘危則治無常治加之建立非所委寄失才
志欲就于升平先行迎於亂禍是猶將適越者指沙漠而
遵途欲登山者涉舟楫而覓路所趣途遠所向轉難南北
倍殊高下相反求其至也不亦難乎沉以新習易動之基
而無久安難拔之慮故賈充克克堅懷姦志而擁權揚駸豺
狼包禍心以專輔及乎宮車晚出諒闇未周藩翰變親以
成踈連兵競滅其本棟梁迴忠而起偽擁衆各舉其威曾
未數年綱紀大亂以至海內版蕩宗廟播遷帝道王猷反
居文身之俗神州赤縣翻成被髮之鄉弃所大以資人掩
其小而自託為天下笑其故何哉良由失慎於前所以貽

患於後且知子者賢父知臣者明君子不肖則家亡臣不忠則國亂國亂不可以安也家亡不可以全也是以君子防其始聖人閉其端而世祖惑荀勗之奸謀逆王渾之偽策心屢移於衆口事不定於己圖元海當除而不除卒令擾亂區夏惠帝可廢而不廢終使傾覆洪基夫全一人者德之輕極天下者功之重棄一子者忍之小安社稷者孝之大况乎資二世而成業延三孽以喪身所謂取輕德而捨重功畏小忍而忘大孝聖賢之道豈若斯乎雖則善始於初而垂令終於末所以殷勤史策不能無慷慨焉

太平御覽卷第九十六

宋本校計九頁

前代五行

太平御覽卷第九十七

皇王部二十二上空木

西晉惠皇帝 上空三

趙王倫 附上空四

惠皇帝

晉書曰孝惠帝諱襄字正度武帝第二子也太始三年立為皇太子時年九歲太熙元年四月己酉武帝崩是日太子即皇帝位大赦改元為永熙尊皇后楊氏曰皇太后立妃賈氏為皇后五月辛未以太尉楊駿為太傅輔政秋八月壬午立廣陵王適音韜為皇太子以中書監何劭為太子太師吏部尚書王戎為太子太傅永平元年春正月詔改永熙二年為永平元年又詔子弟及群官羣並不得謁陵三

患於後且知子者賢父知臣者明君子不肖則家亡臣不忠則國亂國亂不可以安也家亡不可以全也是以君子防其始聖人閉其端而世祖惑荀勗之奸謀逆王渾之偽策心屢移於衆口事不定於己圖元海當除而不除卒令擾亂區夏惠帝可廢而不廢終使傾覆洪基夫全一人者德之輕極天下者功之重棄一子者忍之小安社稷者孝之大况乎資二世而成業延三孽以喪身所謂取輕德而捨重功畏小忍而忘大孝聖賢之道豈若斯乎雖則善始於初而垂令終於末所以殷勤史策不能無慷慨焉

太平御覽卷第九十六

宋本校計九頁

前代五行

太平御覽卷第九十七

皇王部二十二上空未

西晉惠皇帝

上空三

趙王倫附上空四

惠皇帝

晉書曰孝惠帝諱衷字正度武帝第二子也太始三年立為皇太子時年九歲太熙元年四月己酉武帝崩是日太子即皇帝位大赦改元為永熙尊皇后楊氏曰皇太后立妃賈氏為皇后五月辛未以太尉楊駿為太傅輔政秋八月壬午立廣陵王適音韜為皇太子以中書監何劭為太子太師吏部尚書王戎為太子太傅永平元年春正月詔改永熙二年為永平元年又詔子弟及群官羣並不得謁陵三

月辛卯誅太傅楊駿弟衛將軍瑤太子太保濟中護軍
張劭散騎常侍段廣楊邈左將軍劉預河南尹李斌中書
令蔣俊東夷校尉文淑尚書武茂音皆夷三族壬辰大赦改
元賈后矯詔廢皇太后為庶人徙于金墉城告于天地宗
廟誅太后母龐氏壬寅徵大司馬汝南王高為太宰與太
保衛瓘輔政六月賈后矯詔使楚王瑋音殺太宰汝南王
亮太保菑陽公衛瓘乙丑以瑋擅害亮瓘殺之九月辛丑
徵征西大將軍梁王彤為衛將軍錄尚書事以趙王倫為
征西大將軍都督雍梁二州諸軍事三年春二月己酉賈
后殺皇太后于金墉城五年冬十月武庫火焚累代之寶
十二月庚戌新作武庫大調兵器六年八月秦雍氏羌悉

叛推氏羌帥齊萬年潛號稱帝圍于涇陽七年春正月癸
丑周處及齊萬年戰於六陌王師敗績處死之九年春正
月左積弩將軍孟觀伐氏戰于中亭大破之獲齊萬年徵
征西大將軍梁王彤錄尚書事以北中郎將河間王顥為
鎮西將軍鎮關中成都王穎為鎮北大將軍鎮鄴十二月
壬戌廢皇太子適為庶人及其三子幽於金墉城殺太子
之母謝氏永康元年正月大赦改元三月癸未賈后矯詔
害庶人適于許昌夏四月辛卯日有食之癸巳梁王彤
趙王倫矯詔廢賈后為庶人司空張華尚書僕射裴頠音
文音皆遇害侍中賈謐及黨與數十人皆伏誅甲午倫矯
詔大赦自為相國都督中外諸軍如宣帝輔魏故事追復

故皇太子位丁酉以梁彤為太宰己亥趙王倫矯詔害賈庶人于金墉城五月己巳立皇孫臧為太孫秋八月淮南王允舉兵討趙王倫不尅允及其二子秦王都漢王迪皆遇害永寧元年春正月乙丑趙王倫篡帝位景寅遷帝于金墉城號曰太上皇改金墉曰永昌宮廢皇太孫臧為僕陽王五星經天縱橫無常癸酉倫害濮陽王臧三月平東將軍齊王冏俱永切起兵以討倫傳敷州郡屯于陽翟征北將軍成成都王穎征西大將軍河間王顥常山王又豫州刺史李毅兖州刺史王彥南中郎將新野公歆皆舉兵應之眾數十萬倫遣其將閻和出伊闕張泓孫輔出塢攻以拒冏孫會士猗許超出黃橋以拒穎將趙驥及穎后超戰於

沮音水會等大敗棄軍走四月辛丑左衛將軍王與尚書淮陵王漼七隗反勒兵入宮擒倫黨孫秀孫會許超士猗及駱休等皆斬之逐倫歸第即日乘輿反正群臣頓首謝罪帝曰非諸卿之過也詔大赦改元誅趙王倫義陽王威九門侯質等及倫之黨與五月立襄陽王尚為皇太孫六月戊辰大赦增更位二等庚午東萊王蕤左衛將軍王與謀廢齊王冏事泄廢蕤為庶人輿伏誅夷三族甲戌以齊王冏為大司馬都督中外諸軍事成都王穎為大將軍錄尚書事河間王顥為太尉罷丞相復置司徒官太安元年五月癸卯以清河王遐子覃為皇太子賜孤寡帛太酺音五日以齊王冏為太師東海王越為司空秋七月兖豫徐

與等四州大水冬十月地震十二月丁卯河間王顥表齊
 王罔窺伺神器有無君之心與成都王穎新野王劼范陽
 王虓許交同會洛陽請廢罔還第長沙王義奉乘輿屯南
 止東門次罔殺之幽其諸子于金墉城廢罔第北海王是
 歲大赦改元以長沙王義為尉都督中外諸軍事二年秋
 七月中書令卞粹侍中馮孫河南尹李舍等貳於長沙王
 又疑而害之八月河間王顥成都王穎舉兵討長沙王
 又帝以又為大都督師軍衛之庚申劉弘及張昌戰於清
 水斬之顥遣其將張方隸遣其將陸機率秀后超等來逼
 京師乙丑帝幸十三里橋遣將軍皇甫商拒方於宜陽已
 巳帝旋軍于宣武場庚午舍于后樓天中裂無雲而雷九

月丁丑帝次于河橋壬午皇甫商為張方所敗甲申帝軍
 于芒山丁亥幸偃師辛卯舍于豆田癸巳帝旋于城東景
 申進軍緱氏擊率秀走之大赦張方入京城燒清明開陽
 二門死者萬計石超逼乘輿于緱氏冬十月壬寅帝族于
 宮石超焚緱氏服御無遺丁未破率秀范陽王虓于東陽
 門外成申破陸机于建春門石超斬其大將軍賈崇等十
 六人懸首銅駝街張方退屯十三里橋十一月辛巳星晝
 隕聲如雷王師攻方壘不利方決千金堰水碓此涸音乃
 發王公奴婢手春給兵廩一品已下不從征者男子十三
 以上皆從役又發奴助兵號為四部司馬公私窮蹙子六
 米石萬錢詔命所至一城而已壬寅夜赤氣竟天隱隱有

聲景辰地震癸亥東海王越執長沙王義幽於金墉城尋
為張方所害甲子大赦永興元年春正月成都王穎自鄴
風于帝乃大赦改元為永安帝逼於河間王顥密詔雍州
刺史劉沉秦州刺史皇甫重以討之沉舉兵攻長安為顥
所敗張方大掠洛中還長安於是軍中大饑人相食以成
都王穎為丞相穎遣從事中郎成夔等以兵五萬屯十二
城門殿中宿所忌者穎皆殺之以三部兵代宿衛二月乙
酉廢皇后王氏幽于金墉城黜皇太子覃復為清河王三
月河間王顥表請立成都王穎為太弟戊申詔曰朕以不
德纂承鴻緒于茲十有五載禍亂滔天姦逆仍起至乃幽
廢重宮宗廟幾絕成都王顥溫仁和惠刻平暴亂其以穎

為皇太帝都督中外諸軍事丞相如故秋七月景申朔
右衛將軍陳_音詔召百僚入殿中因勒兵討成都王穎
戊戌大赦復皇后羊氏及皇太子覃己亥司徒王戎東海
王越高密王簡平昌公摸吳王晏豫章王熾襄陽王範右
僕射荀藩等奉帝北征至安陽衆二十餘萬穎遣其將石
超拒戰己未六軍敗績於蕩陰矢及乘輿百官分散侍中
稽紹死之帝傷頰中三矢亡六璽帝遂幸超軍餒甚超進
水左右奉秋桃超遣弟熙奉帝之鄴穎帥郡官迎謁道左
右帝下輿涕泣其夕幸於穎宮穎府有九錫之議陳留王
送貂蟬文鵬尾明日乃備法駕幸于鄴唯豫章王熾司徒
王戎僕射荀藩從庚申大赦改為建武八月戊辰穎殺東

安王繇張方復入洛陽廢皇后羊氏及皇太子單句奴左
 賢王劉元海反於離右自號大單于安北將軍王俊遣烏
 丸騎攻成都王穎于剽大敗之穎與帝單車走洛陽御服
 分散倉卒上下無齎侍中黃門被囊中資私錢二千詔代
 用所在買飲飲食以供宮人止食於道中客舍營人有持升
 餘糗米飯及搗蒜鹽豉以進帝帝噉音之侍中黃門布被
 次獲嘉市籠米飯盛以瓦盆進帝噉兩盂有老父獻蒸鷄
 帝受之至温將謁陵帝喪履納從者之履下拜流涕左右
 皆歔歔及濟河張方帥騎三千以陽燧青蓋車奉迎方拜
 謁帝躬止之辛巳大赦賞從者各有差冬十一月乙未方
 請帝謁廟因赦帝幸長安以所乘車入殿中帝馳避後園

竹中方逼帝升車左右中黃門鼓吹十二人步從唯中書
 監靈志侍側方以帝幸其壘帝令具載宮人寶物軍人因
 略妻後宮分爭府藏魏晉已來所積之物掃地無遺矣行
 次新安寒甚帝墮馬傷足尚書高光奉進面衣帝嘉之河
 間王顥帥官屬步騎三萬迎于灊上顥前拜帝下車止之
 征西府為官唯僕射荀藩司隸劉暉他昆反太常鄭球音
 河南尹周馥音服與其遺官在洛陽為留臺承制行事號
 為東西臺焉景午留臺大赦改元復為永安辛丑復皇后
 羊氏李雄僭號成都王劉元海僭號帝王十二月丁亥詔
 曰天禍晉邦家嗣莫繼成都王穎自在儲貳政績虧損四
 海失望不可承重器其以王還自豫章王熾先帝愛子令

問日新四海注意今以爲皇太弟以隆我邦以司空越爲
太傅與太宰顥夾輔朕躬司徒王戎參錄朝政光祿大夫
王衍爲尚書左僕百官皆復職齊王冏前應還第長沙王
又輕陷重刑封其子紹爲樂平縣王以奉其嗣自頃戎車
屢征勞費人力供御之物皆減三分二戶調田租三分減
一蠲除苛政愛人務本清通之後當還東京大赦改元以
河間王顥都督中外諸軍事二年春正月甲午朔帝在長
安夏四月景子張方廢皇后羊氏七月東海王越嚴兵徐
方將西迎大駕成都王穎部將公師藩等聚中攻陷郡縣
害陽平太守李志汲郡太守張延等輔政鄴平昌公模遣
將軍趙驤擊破之九月壬子以成都王穎爲鎮軍大將軍

都督河北諸軍事鎮鄴河間王顥遣將軍呂朗屯洛陽冬
十月景子詔曰得豫州刺史劉喬檄稱潁川太守劉輿迫
脅驃騎將軍虓拒逆詔命造構凶逆擅劫郡縣合聚兵衆
擅用苛晞爲兖州斷截王命鎮南大將軍荊州刺史劉弘
平南將軍彭城王釋等各勒所統徑會許昌與喬并力今
遣右將軍張方爲大都督統精卒十萬建武將軍呂朗廣
武將軍騫羆勅俱反建威將軍刁點等爲軍前鋒共會許昌
除與兄弟丁丑使前車騎將軍石超北中郎將王闡計與
等赤氣見于北方東西竟天有星孛于北斗平昌公模遣
將軍宋胃等屯河橋十一月立節將軍周權詐被檄自稱
平西將軍復皇后羊氏洛陽令何橋攻權殺之復廢皇后

十二月呂朗等東屯滎陽城都王穎進據洛陽張方劉弘等
並按兵不能禦范陽王虓濟自官渡拔雲陽斬石超襲許
昌破劉喬於肅喬奔南陽右將軍陳敏舉兵反自號楚公
矯稱被中詔從沔漢奉迎天子逐楊州刺史劉機丹陽太
守王曠光熙元年春正月戊子朔日有蝕之帝在長安河
間王顥聞劉喬破大懼遂殺張方請和於東海王越越不
聽宋胃等破穎將婁衰進逼洛陽穎奔長安甲子越遣其
將祁公宋胃司馬纂等迎帝己亥弘等奉帝還洛陽帝乘
牛車行宮籍草公卿跋涉六月景辰朔至自長安升舊殿
哀感流涕謁于太廟復皇后羊氏辛未大赦改元八月以
太尉東海王越錄尚書事驃騎將軍范陽王虓爲司空九
月頓丘太宗馮嵩執成都王穎送之于鄴冬十月司空范
陽王虓薨長史劉輿害成都王穎十一月庚午帝崩王顥
陽殿在位十六年時年四十八葬太陽陵帝之爲太子朝
廷咸知不堪政事帝亦疑焉衛瓘常侍宴撫武帝所坐床
曰可惜此坐和橋亦以爲言曰皇太子有淳古風而季代
多僞恐不了陛下家事武帝默然不荅後武帝欲廢太子
楊后曰立嫡以長不以賢豈可動乎太子遂定及居太位
政出群下紀綱大壞貨賂公行天下爲之市賈焉帝又嘗
幸華林園聞蛙聲謂左右曰此鳴者爲官乎爲私乎或
對曰在官地者爲官在私地者爲私及天下荒亂百姓餓
甚帝曰何不食肉糜其蒙蔽皆此類也

王隱晉書曰高堂隆尅鄴宮屋材云後若干年當有天于居此宮惠帝止鄴宮治屋者土剝更泥始見刻字計年正合

趙王倫

晉書曰趙王倫字子彝宣帝第九子也母曰栢夫人魏嘉平初封安樂亭侯五等建改封東安字拜諫議大夫武帝受封琅琊郡王元康初遷征西將軍開府儀同三司鎮關中倫刑賞失中音低氏音低羗反叛徵還京師尋拜車騎將軍太子太傅深交賈郭諂事音中中宮大為賈后所親信求錄尚書張華裴頠固執不可求尚書音今華頠復不許敏懷太子之廢也音廢使倫領右軍將軍時左衛司馬督司馬雅及常從督

許超並常給事東宮二人傷太子無罪與殿中中郎士猗節謀廢賈后復太子以華頠不可移難與圖權倫執兵之要性貪胃可假以濟事乃說倫嬖人孫秀曰中宮凶嬖音立音無道與賈謚等共廢太子今國無嫡嗣社稷將危大臣將起大事而公名奉中宮與賈郭親善太子之廢皆云預知一朝事起禍必相及何不先謀之平秀許諾言於倫倫納焉將起而秀知太子聰明若還東宮將與賢人圖政量已必不得志更說倫曰太子剛猛不可私情明公素事賈后時議皆以公為賈氏之黨今雖欲建大功於太子太子含宿怒必不加賞於明公矣當謂逼百姓之翻以免罪耳此乃所以速禍也今且緩其事賈后必害太子然後廢后為

太子報讎亦足以立功豈徒免禍而已倫從之秀乃微泄其謀衆謚黨頗聞之倫秀因勸謚等早害太子以絕衆望太子既遇害倫秀之謀益甚向超雅俱後難欲悔其謀乃辭疾秀復告右僕射飛督閭和和從之期四月三日景夜一籌以鼓聲爲應至期乃矯詔勅三部司馬曰中宮與賈謚等殺害太子今使車騎入殿中宮汝等皆當從命賜爵關中侯不從誅三族於是衆皆從之倫又矯詔開門夜入陳兵道南遣翊軍校尉齊王罔將三部司馬百人排閣入華林令駱休爲內應迎帝幸東堂遂廢賈后爲庶人幽之于建始殿中書監侍黃門侍郎入座皆夜入殿執張華裴頡解紹杜斌等於殿前殺之尚書始疑詔有詐郎師景露

板奏請手詔倫等以爲沮衆斬之以殉明日倫坐端門屯兵北向遣尚書和郁送賈庶人于金墉尋矯詔自爲使持節大都督中外諸軍事相國侍中王如故一依宣王輔魏故事以其世子散騎常侍奉_音領_音穴_音從僕射子綏前將軍封濟陽王處黃門郎封汝陰王詔_况朋_反散騎侍郎霸城侯孫秀等皆封大郡並據兵權文武官侯封者數千人百官_也摠已聽於倫倫素庸下無智策復受制於秀秀之威權振於朝廷天下皆事秀而無求於倫秀起自琅琊小吏累官_京逞私憾前衛尉石崇黃門郎潘岳皆與秀有嫌並見誅於是景邑君子不樂其生矣淮南王允齊王罔以倫秀驕僭

卷九十七

內懷不平秀等亦深忌焉乃出問鎮許奪允護軍允發起
 兵討倫允既敗滅倫加九錫增封五萬戶倫無學不知書
 秀亦以狡黠胡八反小才貪淫昧利所共立事者皆邪佞之
 徒唯競榮利無深謀遠略倫秀並惑巫兒聽妖邪之說秀
 使牙門趙奉詐為先帝神語令倫早入西宮又言先帝於
 北邙為趙王佐助於是別立先帝廟於邙山謂逆謀可成
 秀等部分諸君分布腹心使散騎常侍義義陽王威兼侍中
 出納詔命駕作禪讓之詔使持節尚書令蒲奮僕射崔隨
 為副奉皇帝璽綬以禪位於倫倫偽讓不受於是宗室諸
 王群公卿士咸假稱符瑞天文以勸進倫乃許之左衛
 主與前軍司馬推推等率甲士入殿壁立謂三部司馬示以威

賞皆莫敢違其夜使張林等屯守諸門義義陽王威及駱休
 逼奪天子璽綬夜漏未盡內外百官以乘輿法駕迎倫惠
 帝乘雲母車鹵簿數百人自華林西門出居金墉城尚書
 和郁兼侍中散騎常侍琅琊王睿中書侍郎陸机機從到城
 下而反使張衡衛帝實幽之也倫從五千人自端門登
 太殿蒲奮崔隨樂廣進璽綬於倫乃僭即帝位大赦改元
 建始諸黨皆登卿將並列大封其餘同謀者咸超階越次
 不可勝紀至于奴卒厮役亦加以爵位每朝會貂蟬盈坐
 時人為之諺曰貂不足狗尾續而以苟且之惠取悅人情
 府庫之儲不充於賜金銀冶鑄不給於印故有白板之侯
 君子耻服其章百姓亦知其不終矣倫親祠太廟還遇大

風飄折麾蓋孫秀既立非常之事倫敬重焉秀任文帝爲相國時所居內府事無巨細必諮而行倫之詔令秀改革有所與奪自書青紙爲詔或朝令夕改者數四百官轉易如流矣時齊王問河間王顥成都王穎並擁強兵各據一方秀知問等必有異圖乃選親黨及倫故吏爲三王叅佐及郡守秀本異於張林有隙雖外相推崇內實忌之及林爲衛將軍深怨不得開府潛與奉賤具說秀專權動違衆心而功臣皆小人撓亂朝廷可一時誅之奉以書白倫倫以示秀秀勸倫誅林倫請宗室會於華林園召林秀及王與人因收林殺之誅三族及三王起兵討倫檄至倫秀始大懼遣其中堅孫輔爲上將軍督諸軍以拒義師倫復受

太子詹事劉琨節督河北將軍率步騎千人催諸軍與義軍戰于激水大敗退保河上劉琨燒斷河橋自義兵之起百官將士咸欲誅倫秀以謝天下秀知衆怒難犯不敢出省及聞河北軍悉敗憂懣音不知所爲義陽王威勸秀至尚書省與八座議征戰之備秀從之使京城西四品以下子弟十五以上皆詣司隸從倫出戰內外諸軍悉欲劫殺秀秀懼自崇禮達走還下舍衛將軍趙泉斬秀等以徇使倫爲詔曰吾爲孫秀等所悞以怒三王今已誅秀其迎太上復位吾歸老于農音傳詔以騶音虞幡勅將士解兵文武官皆奔走莫敢有誅者黃門將倫自華林東門出及奉皆還汶陽里第於是以甲士數千迎天子于金墉百姓咸

稱萬歲帝自端門入升殿御廣室送倫及恭付金墉城梁
王彤表倫父子凶逆宜伏誅百官會議于朝堂皆如彤表
遣尚書袁敞持節賜倫死飲以金屑苦酒倫慙以巾覆面
曰孫秀誤我於是收奉馥處詔付廷尉獄考竟百官是倫
所用者皆片免之臺省府衛僅有存者自兵興六十餘日
戰及殺害近十萬人

前空行
太平御覽卷第九十七 宋本校計十頁

太平御覽卷第九十八

皇王部二十三 上卷六

西晉懷帝 上空三 愍帝 上空二 東晉元帝 上空二

成帝 上空一

懷皇帝 上空五

明帝 上空三

晉書曰孝懷皇帝諱熾字豐度武帝二十五子也光熙元
年封豫章郡王屬惠帝之時宗室構禍帝冲素自守門絕
賓遊不務世事專玩史籍有譽於時初拜散騎常侍及趙
王倫篡見收倫敗為射聲校尉累車騎大將中軍都督青
州諸軍事未之鎮永興元年改授鎮北大將軍都督鄴城
每諸軍事十二月丁丑立為皇太弟帝以清河王暉太子

也懼不敢當典書令廬陵脩肅曰二相經營王室志寧社稷儲貳之重宜歸時望親賢之舉非大王而誰清河幼弱未允衆心是以既升東宮復贊藩國國今乘輿播越二宮曷曠常恐氏羌飲馬於涇川螿衆控弦於灞水宜及吉辰時登儲上翼大駕早寧東京下允黔首顛之望帝曰卿吾之宋昌也乃從之光熙元年十一月孝惠帝崩羊皇后以於太弟為嫂便不得為太后催清河王暉入已至尚書閣侍中華混等急召太弟癸酉即皇帝位大赦皇后羊氏為惠皇后君弘訓宮追尊所生太妃王氏為皇太后立妃梁氏為皇后十二月南陽王模殺河間王顓於雍谷末嘉元年春正月癸丑朔大赦改元除三族刑以太傅東海王越輔政

二月辛巳東萊人王彌起兵反寇青徐二州三月庚午立豫章王鈇為皇太子辛未大赦庚辰東海王越出鎮許昌五月馬牧帥汲桑聚衆反敗魏郡太守馮嵩遂陷鄴城害新蔡王騰燒鄴宮火旬日不滅入掠平原山陽公劉秋遇害洛陽步廣地里隔有二鵝出色蒼者冲天白者不能飛秋七月巳酉朔東海王越進屯官渡以討汲桑巳未以平東將軍琅琊王睿為安東將軍都督揚州江南諸軍事假節鎮建鄴八月巳卯朔撫軍將軍荀晞音希敗汲桑於鄴十月二月戊寅并州人田蘭簿盛等斬汲桑于樂陵甲午東海王越矯詔囚清河王暉于金墉城癸卯越自為丞相以撫軍荀晞為征東大將軍二年春正月丙子朔日有蝕之丁

宋太赦二月辛卯清河郡王暉為東海王越所害冬十月
甲戌劉元海僭帝號於平陽仍稱漢三年三月丁巳東海
王越歸京師已丑勒兵入宮於帝側收近臣中書令繆播
帝舅王延等十餘人並害之丁卯大旱江漢河洛皆竭可
涉九月景寅劉聰寇浚儀遣平北將軍曹武討之丁丑王
師敗績東海王越入保京城聰至西明門越禦之戰於宣
陽門外大破之使車騎將軍王堪平北將軍曹武討劉聰
王師敗績堪奔還京師劉聰攻洛陽西明門不尅冬十一
月石勒陷長樂安北將軍王斌遇害因屠黎陽乞活師李
暉簿盛等帥衆救京師聰退走暉等又破王彌於心汲四
年十月壬子以驃騎將軍王浚為司空平北將軍劉琨為

北平大將軍京師飢東海王越羽檄徵天下兵帝謂使者
曰為我語諸征鎮若今日尚可救後則無逮矣時莫有至
者十一月甲戌東海王越帥衆出許昌以行臺自隨宮無
復守衛荒饑日甚殿內死人交橫府寺營署並掘塹自守
盜賊公行桴鼓之音不絕鉞軍次項自領豫州牧鎮東將
軍周馥遠迎天駕遷都壽陽鉞使裴頠討馥為馥所敗走
保東城請救於琅琊王睿五年春正月帝密詔荀晞討東
海王鉞罪狀告方鎮討之以征東大將軍荀晞為大將軍
景子東海王鉞薨五月進司空王浚為大司馬琅琊王睿
為鎮東大將軍東海王鉞之出也使河南尹潘滔居守大
將軍荀晞表遷都倉垣帝將從之諸大臣畏滔不敢奉詔

宜宮中及黃門戀貲財不欲出至是飢甚人相食百官流
亡者十八九帝召群臣會議將行而警衛不備帝撫手歎
之曰如何曾無車輿乃使司徒傳祇出詣河陰脩理舟舫
為水行之備朝士數十人導從帝步出西掖門至銅駝街
為盜所掠不得進而還六月癸未劉曜王彌石勒同寇洛
川王師頻為盜賊所敗死者甚眾庚寅司空荀藩光祿大
夫荀組奔鞬鞬太子左率温叡夷夜開廣莫門奔小平津
丁酉劉曜王彌入京師帝開華林園門出河陰藕池歎幸
長安為曜等所追及曜等遂焚燒宮廟逼辱妃后吳王宴
竟陵王楙音茂尚書左僕射和郁等皆遇害百官士庶死者
三萬餘人帝蒙塵於平陽劉聰以帝為會稽公荀藩移檄

州鎮以琅琊王為盟主豫章王端東奔荀晞音晞立為皇太
子自領尚書令具置官屬保梁國之蒙縣百姓飢儉米斛
萬餘價八月劉聰使子繫音繫攻陷長安太尉征西將軍南陽
王模遇害長安遺人四千餘家奔漢中九月癸亥石勒襲
陽夏至於蒙縣音蒙大將軍荀晞豫章王端並歿於賊六年春
正月帝在平陽九月辛巳前雍州刺史賈疋討劉粲於三
輔走之關中小定乃與衛將軍梁芬京兆太守梁綜共奉
王業為皇太子於長安七年春正月劉聰大會使帝著青
衣行酒侍中庾珉號哭聰惡之音惡丁未帝遇殺崩于平陽在
位七年時年三十

晉陽秋曰懷帝天姿清劭少有聲名若遭承平之世足為

守文佳主而繼惠帝擾亂之後東海專政祿去王室無幽
屬之爨而有犬戎之禍悲夫

愍皇帝 上空五

晉書曰愍皇帝諱鄴字彥旗武帝孫吳孝王晏之子也出
繼伯父秦^獻王東襲封秦王永嘉二年拜散騎常侍撫軍
將軍及洛陽傾履避難于滎陽密^密縣與舅荀藩荀組相遇
自^密密南趣許穎豫州刺史閻鼎^{閻鼎}與前撫軍長史王毗司徒
長史劉疇^{書即李昕及藩組等同謀奉帝歸于長安而疇等中}中塗復叛鼎追殺之藩組僅而獲免鼎遂扶
帝乘牛車自宛趣武關歸于長安類遇山賊士卒亡散次
于藍田鼎告雍州刺史賈疋疋遽遣州兵^衛衛達于長安
又使輔國將軍梁紇^紇助守^之時有玉龜出霸水神馬鳴城

南元年九月辛巳奉秦王為皇太子登壇告類建宗廟社
稷大赦加疋征西將軍以秦州刺史南陽王保為大司馬
賈疋討賊張連遇害衆推始平太守麴允領雍州刺史為
盟主承制選置建興元年夏四月景午奉懷帝崩問舉哀
成禮壬申即皇帝位大赦改元以衛將軍梁芬為司徒雍
州刺史麴允為使持節領軍將軍錄尚書事京兆太守索
綝為尚書右僕射五月詔琅琊王曰朕以冲昧纂承洪緒
未能^能梟夷凶逆奉迎梓宮枕戈煩寃肝心抽裂前得魏浚
表知公帥先三軍已據壽春傳檄諸侯協齊威勢想今漸
進已達洛陽涼州刺史張軌乃心王室連旗萬里已到汧
隴梁州刺史張光亦遣巴漢之卒屯在駱谷秦州驍勇其

會如林間遣使適還具知平陽定問云幽并隆盛餘胡衰
破然猶恃險當須大舉未知公今所到是以息兵秣馬未
便進軍今為已至何許當須來肯使乘輿自出會除中原
也公宜思弘謨猷最濟遠畧使出陵旋反四海有賴故遣
殿中都尉劉蜀蘇馬等具宣朕意公茂德昵屬宣隆東夏
恢融六合非公而誰但洛都陵廟不可空曠公宜鎮撫以
綏山東右承相當入輔弼追蹤周邵以隆中興也二年秋
七月劉曜趙舟等又逼京都領軍將軍麴允討破之四年
七月劉曜攻北地麴允帥步騎三萬救之王師不戰而潰
北地太守麴昌奔于京師曜進至涇陽渭北諸城悉潰建
威將軍曾充散騎常侍梁緯少府皇甫陽等皆死之八月

劉曜逼京師內外斷絕鎮西將軍焦嵩平東將軍宋哲始
平太守竺恢等同赴國難麴允與公卿守長安小城以自
固散騎常侍華輯京兆馮翊弘農上洛四部兵東屯霸上
鎮軍將軍胡崧帥城西諸郡兵屯遮馬橋並不敢進冬十
月京師飢甚米斗金二兩人相食死者大半太倉有麴數
十餅麴允屑為粥以供帝至是復盡帝泣謂允曰今窘厄
如此外無救援死於社稷是朕事也然今將士暴離斯酷
今欲聞城未陷為羞死之事庶令黎元免屠爛之苦行矣
遣書朕意決矣十一月乙未使侍中宋敞送牋於曜帝乘
羊車肉袒銜璧輿櫬出降群臣號泣攀車執帝之手帝亦
悲不自勝御史中丞吉朗自殺曜焚櫬受璧使宋敞奉帝

遷宮初有童謠曰天子何在豆田中時王浚在幽州以豆
有藿殺隱士霍原以應之及帝如曜營營實在城東豆田
壁壁辛丑帝蒙塵於平陽美魏允及群臣並從劉聰假帝光祿
大夫懷安侯壬寅聰臨殿帝稽首於前魏允伏地慟哭因
自殺五年春正月帝在平陽庚子虹霓彌天三日並照平
東將軍宋哲奔江左十一月劉聰出獵令帝行車騎將軍
戎服執戟為導百姓聚而觀之故老或歎歐流涕聰俊因
大會使帝行酒洗爵反而更衣又使帝執盞晉臣在座多
失聲而泣尚書郎辛賓抱帝慟哭為聰所害十二月戊戌
帝遇弒崩於平陽在位五年時年十八帝之繼皇統也屬
未嘉之亂天下崩離長安城中戶不盈百墻宇頽毀蒿棘

成林朝旌無車馬章服唯桑板署號而已衆唯一旅公私
有車四乘器械多闕運饋不繼巨猾涌天帝京危急諸侯
無釋位之志征鎮闕勤王之譽故君臣窘迫以至弒辱

東晉元皇帝

上空五

晉書曰元皇帝諱睿字景文宣帝曾孫琅琊恭王覲之子
也咸寧二年生於洛陽有神光之異一室盡明所籍藁如
始刈及長白毫生於日角之左隆準龍顏目有精曜顧眄
煒如也年十五嗣位琅琊王幼有令問惠皇之際王室多
故每恭儉退讓以免於禍沉敏有度量不顯灼然之迹故
時人未之識焉唯侍中嵇紹異之謂人曰琅琊王毛骨非
常殆非人臣之相元康二年拜貴外散騎常侍累遷左將

軍從討都成王頴湯陰之敗叔父東安王繇為頴所害帝
 懼禍及將出奔其夜月正明而微衛嚴警無由得去甚窘
 迫有頃雲霧晦冥雷雨暴至檄者皆弛因得潛出頴先令
 諸關無得出貴人帝既至河陽為津吏所止從者宋典後
 來以策鞭馬而笑曰舍長官禁具人汝亦被拘耶吏乃聽
 過至洛迎太妃歸國東海王越之收兵下邳也假帝輔國
 將軍尋加平東將軍都督揚州諸軍事越西迎大駕留帝
 居守未嘉初用王道道計始鎮建業以顧榮為軍司馬賀循
 為參佐王敦王道周顛音刁協等為腹心股肱實禮名賢
 存問風俗江東歸心焉及懷帝蒙塵于平陽司空荀藩等
 移檄天下推為盟主愍帝即位加左丞相歲餘進位丞相

大都督中外諸軍事肆武元年春二月辛巳平東將軍宋
 哲至宣愍帝詔曰時遭屯否皇綱不振朕以寡德奉承洪
 緒不能祈天永命紹隆中興至使凶胡敢帥犬羊逼迫京
 輦朕今幽寒窮城憂慮萬端恐一旦崩潰卿詣丞相具宣
 朕意使攝萬機時據舊都脩復陵廟以雪大耻三月帝素
 服出坎舉哀且二西陽王義及群僚參佐州郡牧守等上
 尊號帝不許義等以死固請至于再三帝慨然流涕曰
 孤罪人也唯有蹈節死義以雪天下之耻庶贖鉄鉞之誅
 吾本瑯琊王諸賢見逼不已乃呼私奴命駕將反國群臣
 乃不敢迫請依魏晉故事為晉王許之辛卯即王位大赦
 元興元年春正月戊申朔臨朝懸而不樂三月癸丑

愍帝崩問至帝斬綰居廬丙辰百寮上尊號即皇帝位
詔曰昔我高祖宣皇帝誕膺期運廓開王基景文皇帝奕
世重光緝熙諸夏爰暨世祖應天順時受茲明命功格天
地仁濟宇宙旻天不備降此鞠凶懷帝短世越去王都天
禍荐臻大行皇帝崩殂社稷無奉肆群后三司六事之人
疇諮庶尹至于華戎致緝大命于朕躬予一人畏天之威
罔敢稽違遂登壇南面受終文祖燔柴頒瑞吉類上帝惟
朕寡德纘承洪緒若涉大川罔知攸濟惟企股肱爪牙之
文武熊羆之臣用能弼寧晉室輔予一人思與萬國共
茲休慶於是大赦改元庚午立太子紹為皇太子永昌元
年春正月乙卯大赦改元戊辰大將軍王敦舉兵於武昌以

誅劉隗為名龍驤將軍沈亮帥衆應之三月徵征西將軍
戴若思鎮北將軍劉隗衛京都劉隗軍於金城右將軍周
禮守石頭帝披甲徇六師於郊外遣平南將軍陶侃領江
州安南將軍甘卓領荊州各帥所統以躡敦後夏四月敦
前鋒攻石頭周禮開城應之奮威將軍侯禮死之敦據石
頭戴若思劉隗帥衆攻之王道周顛郭逸虞潭等三道出
戰六軍敗績尚書令刁協奔于江垂為賊所害鎮北將軍
劉隗奔於石勒帝遣使謂敦曰公若不忘本朝於此息兵
則天下尚可安也如其不然朕當歸於琅琊以避賢路幸
未大赦敦自為丞相都督中外諸軍錄尚書事封武昌郡
公邑萬戶十一月己丑帝崩於內殿在位六年時年四十

七 葬平陵廟號中宗

孫盛晉陽秋曰昔秦始皇東遊望氣者云五百年後東南金陵之地有天子氣於是始皇改曰秣陵吳人以為孫權帝之表也盛案始皇遊歲至權僭號四百三十七年考之年數既不合校之基守又非倫豈應帝王之符而見兆於上代乎有晉金行奄君四海金陵之祥其在斯乎且秦政東遊至是五百二十六年所謂五百年之後當有王者也又孫皓將亡吳郡臨蕪湖一夜草木自除于湖邊得石函中有小石青白色長四尺廣二寸餘上有白帝字時人莫察其祥意者豈中宗興五湖之徵歟太康三年建業有寇餘姚人任振以周易筮之曰寇已滅矣後三十八年揚州

當有天子又太安中童謡曰五馬浮渡江一馬化為龍永嘉大亂王室淪覆唯琅琊西陽汝南南頓彭城五王獲濟至是中宗登祚先是歲鎮熒惑太白四聚於牛斗之間五驛又見于晉陵冥數玄感若合符契焉又初玄石圖有牛繼馬後故宣帝深忌牛氏遂為二搯共一口以貯酒帝先飲佳者以毒者醜其將牛金而恭王妃夏氏通小吏牛欽而生元帝亦有符云

世說曰元帝始過江謂顧驃騎曰寄人國事志常懷慙榮

跪答曰臣聞王者天下為家是以秋毫無定處九鼎後洛邑願陛下無遷為念

又曰元帝正會引丞相王導登御床王公既固辭中宗引

之彌苦文獻曰使太陽與萬物同暉臣下何以仰瞻

明皇帝 上空五

晉書曰明皇帝諱紹字道畿元皇帝長子也幼而聰哲為元帝所寵異年數歲嘗坐置膝前屬長安使來因問帝曰汝謂日與長安孰遠近對曰長安近不聞人從日邊來居然可知也元帝異之明日宴群寮又問之對曰日近元帝失色曰何乃異間者言之對曰舉目見日不見長安由是益奇之建興初拜東平中郎將鎮廣陵元帝為晉王及即帝位為皇太子性至孝有文武才畧未昌元年閏月己丑元帝崩庚寅太子即皇帝位大赦尊所生荀氏為建安皇后日大寧元年三月戊寅朔改元臨軒停饗宴之禮懸而不

樂二年夏五月王敦矯詔拜其子應為武衛將軍兄含為驃騎大將軍帝所親信常從督公乘雄冉曾並為敦所害六月敦將舉兵內向帝密知之肉乃乘巴滇駿馬微行至于湖陰察敦營壘而出軍士疑帝非常人又敦晝寢夢日環城驚起曰此必黃鬚鮮卑奴來也帝母荀氏燕代人帝狀類外氏鬚黃敦故為帝云於是使五騎物色追帝帝亦馳去僅以獲免秋七月壬申朔敦遣其兄含及錢鳳周撫鄧岳等水陸五萬至於南岸南溫嶠移屯水北燒朱爵杉以挫其鋒帝躬帥六軍出次南皇堂至癸酉夜募壯士遣將軍段秀中軍司馬曹渾左衛參軍陳嵩鍾寅等甲卒千人渡水掩其未備平旦戰於越城大破之斬其前鋒將

何康王敦憤惋而死三年春正月戊戌復三族刑唯不及
婦人三月戊辰立太子衍為皇太子大赦增文武位二等
大酺三日賜鰥寡孤獨帛及正月閏八月壬午帝不豫召
太宰西陽王義司徒王導尚書令卞壺車騎將軍郗鑒護
軍將軍庾亮領軍將軍陸曄丹陽尹溫嶠並受遺詔輔太
子戊子帝崩於東堂在位三年時年二十七葬武平陵廟
號肅祖

晉陽秋曰明帝文武鑒斷初在東宮敬禮賢士昵近明德
自王導庾亮溫嶠桓彝阮放皆見親侍分好綢繆雅好辭
章談論辯明理義與二三君子並著詩論粲然可觀于時
東宮號為多士王敦既平思求民瘼詔尚書令僕射尚書

曰吾飢於食直言渴於求亮正想諸君達此懷矣予違汝
弼堯舜之相君臣吾雖虛闇度不距逆耳之談稷契之任
諸君君之矣望共勗之。

世說曰晉明帝欲起池臺元帝不許之明帝為太子好養
武士夕中作池比曉便成即令謂太子池是也

成皇帝 上卷五

晉書曰成皇帝諱衍字世根明帝長子也大寧三年三月
戊辰立為皇太子閏月戊子明帝崩己丑太子即帝位大
赦增文武位二等賜鰥寡孤老帛人二疋尊皇后庾氏為
皇太后秋七月癸卯皇太后臨朝稱制咸和元年春二月
丁亥大赦改元大酺五日賜鰥寡孤老米人二斛二年干

一月豫州刺史祖約歷陽太守蘇峻等反十二月辛亥蘇峻使其將韓晃晃入姑孰屠蕪湖三年二月庚戌峻至于蔣山假領軍將卞壺節六軍及峻戰于西陵王師敗績景辰峻攻青溪柵因風縱火王師又大敗尚書令領軍將軍卞壺丹陽尹羊曼曼黃門侍郎周遵遵廬江太守陶瞻並遇害死者數千人庾亮又敗于宣陽門內遂携其諸弟與郭默趙裔奔尋陽於是司徒王導右光祿大夫陸曠荀崧等衛帝於大極殿太常孔愉守宗廟賊乘勝麾戈接於帝座突入太后後宮左右侍人皆見掠奪是時大官惟有燒餘米數石以供帝膳百姓號泣震饗都邑丁巳峻矯詔大赦又以祖約為侍中太尉尚書令自為驃騎將軍錄尚書事五月

乙未峻逼天子於石頭帝哀泣升車宮中慟哭峻以倉屋為宮九月戊申司徒王導奔於向石石庚午陶侃使督護楊謙攻於石頭温嶠庾亮陣於白頭石竟陵太守李陽拒賊南偏峻輕出騎戰陸馬斬之衆遂大潰賊黨復立峻弟逸為帥四年二月丙大雨霖丙戌諸軍攻石頭李陽與蘇逸戰於祖浦陽軍敗建威長史滕含以銳卒擊之逸等大敗含奉帝御于温嶠舟群臣頓首號泣請罪丁亥大赦時兵燹之後宮闕灰燼以建平園為宮甲午蘇逸以萬餘人自廸陵湖將入吳興乙未將軍王允之及逸戰於溧陽獲之咸康元年春正月庚午朔帝加元服大赦改元增文武位一等大酺三日賜鰥寡孤獨不能自存者米人五斛二月揚

州諸郡飢遣使賑給八年夏六月庚申帝不豫詔曰朕以
眇年獲嗣洪緒託於群公之上於茲十有八年未能闡融
政道翦除逋寇夙夜戰兢匪遑寧處今遘疾殆不與是用
震悼于廟心年齡眇眇未堪艱難司徒琅琊王岳親則母
弟休則仁長君人之風允塞時望肆爾群公卿士其輔之
以祗奉祖宗明祀協和內外允執其中嗚呼敬之哉統墜
祖宗之顯命壬辰引陵王晞會稽王昱中書監庾冰中書
令何充尚書令諸葛恢並受顧命癸巳帝崩於西堂在位
十七年時年二十二葬興平陵廟號顯宗

太平御覽卷第九十八

宋本校計十一頁

前空三行

太平御覽卷第九十九

皇王部二十四

東晉康皇帝

穆皇帝

哀皇帝

廢帝海西公

簡文皇帝

孝武皇帝

康皇帝

晉書曰康皇帝諱岳字世同成帝母弟咸和元年封吳王
二年徙封琅琊王九年拜散騎常侍加驃騎將軍咸和五
年遷侍郎司徒八年六月庚寅成帝不豫詔以琅琊王為
嗣癸巳成帝崩甲午即皇帝位大赦巳亥封成帝子丕為
琅琊王奕為東海王時帝諒陰不言委政於庾冰何充十
二月壬子立皇后褚氏建元元年春正月改元賑恤鰥寡

孤獨三月以中書監庾冰為車騎將軍二年九月丙申立皇子聃為皇太子戊戌帝崩於式乾殿在位三年時年二十三葬崇平陵初成帝有疾中書令庾冰自以舅氏當朝權伴人主恐異世之後戚屬將踈乃言國有強敵宜立長君遂以帝為嗣制度年號再興中朝因改元曰建元或謂冰曰郭璞讖云立始之際丘山傾立者建也始者元也立山諱也冰瞿然既而歎曰如有吉凶豈改易所能救乎至是果驗云

世說曰何次道庾忝堅二人並為元輔成帝初崩于時嗣君未定何欲立子庾及朝議以外強寇嗣子幼欲立康帝康帝既登祚會群臣謂何曰朕今所以承大統為誰之議

何曰陛下龍飛臣冰之功使于時用微臣今不覩聖明之世上有慙色

穆皇帝

上卷五

晉書曰穆皇帝諱暉字彭祖康帝子也建元二年九月庚申立為皇太子戊戌康帝崩己亥即皇帝位時年二歲大赦尊皇后為皇太后壬寅皇太后臨朝攝政永和元年春正月甲戌朔皇太后設白紗帷于太極殿抱帝臨軒改元二年十一月辛未安西將軍桓溫師虜將軍周撫輔國將軍譙王無忌建武將軍袁喬伐蜀拜表輒行十二月枉矢自東南流于西北其長半天三年春三月桓溫攻成都克之李勢降益州平十年二月己丑大赦征西將軍桓溫帥

師伐關中廢揚州刺史殷浩為庶人六月符健將符雄悉
眾及桓溫戰于白鹿原王師敗績九月幸西桓溫以糧盡
遂還升平元年春正月壬戌朔帝加元服告于太廟始親
萬機大赦改元增文武位一等皇太后居崇德宮五年五
月丁巳帝崩顯陽殿在位十七年時年十九葬永平陵廟
號孝宗

哀皇帝 上空五

晉書曰哀皇帝諱丕字千齡成帝長子也咸康八年封為
瑯琊王永和九年拜散騎常侍十二年加中軍將軍升平
三年除驃騎將軍五月丁巳穆皇帝崩皇太后令曰帝奄
不救疾胤嗣未建瑯琊王丕本中興正統明德懋親昔在

咸康屬當儲貳以年在幼冲未堪國難故顯宗高讓今議
望情地莫與為比其以王奉天統于是百官備法駕迎于
瑯琊第庚申即皇帝位大赦八月己卯夜天裂廣數丈有
聲如雷九月戊申立皇后王氏穆帝皇后何氏稱永安宮
興寧元年九月壬戌大司馬桓溫帥眾北伐癸亥以皇子
生天赦二年二月癸卯帝親耕籍田三月庚戌朔大閱人
戶嚴法禁辛亥不豫帝雅好黃老斷穀餌長生藥服食過
多遂中毒不識萬機崇德太后復臨朝攝政三年二月庚
申帝崩于西堂在位四年時年二十五葬安平陵

廢帝海西公

晉書曰廢帝諱奕字延齡哀帝母弟也咸康八年封為東

海王永和八年拜散騎常侍尋加鎮軍將軍升平四年拜
車騎將軍五年改封瑯琊王隆和初轉侍中驃騎大將軍
開府儀同三司興寧三年二月庚申哀帝崩無嗣丁酉皇
太后詔曰帝遂不赦厥疾艱禍仍臻遺緒泯然哀慟切心
瑯琊王奕明德懋親屬當儲副宜奉祖宗纂承大統便速
正大禮以寧人神于是百官奉迎于瑯琊王第是日卽皇
帝位大赦太和四年夏四月庚戌大司馬桓溫率衆伐慕容
暉七月辛卯暉將慕容垂帥衆拒溫擊敗之九月戊寅
桓溫裨將鄧遐朱序遇暉將傅末波于林渚又大破之戊
子桓至枋頭庚申以糧運不繼焚舟而歸六年冬十一月
癸卯桓溫自廣陵屯于白石丁未詣闕因圖廢立誣帝在

藩夙有痿疾嬖人相寵計好朱靈寶等參侍內寢而二美
人田氏孟氏生三男長欲封樹時人惑之溫因諷太后以
伊霍之舉已酉集百官于朝堂宣崇德太后令曰王室艱
難穆哀短祚因嗣不育儲官靡立瑯琊王奕親則母弟故
以入纂大位不圖德之不建乃至干斯昏濁潰亂動違禮
度有此三孽莫知誰子人倫道喪醜聲遐布旣不可以奉
守社稷敬承宗廟且昏孽並大便欲建樹儲藩誣罔祖宗
傾移皇基是而可忍孰不可忍今廢奕爲東海王以王還
第供衛之儀皆如漢朝昌邑故事初桓溫有不臣之志欲
先立功河朔以收時望及枋頭之敗威名頓挫遂潛謀廢
立以長威權然禪帝守道恐招時議以宮闈重閔牀第易

誣乃言帝為闒遂行廢辱初帝平生每以為慮嘗召術人
扈謙筮之卦成答曰晉室有磐石之固陛下有出宮之象
竟如其言咸安二年正月降封帝為海西縣公

滅縈緒晉書曰太和元年桓温表率方伯北伐秋九月温
以王師敗績于枋頭温自廣陵屯于白石集百官于朝堂
稱崇德太后詔廢帝為東海王妖賊盧悚遣弟殿中監許
晨到稱太后密詔奉迎稱覆帝曰我得罪到此幸蒙寬宥
豈敢妄動且太后有詔便應官屬來迎何得如此必枉詘
因叱左右縛之龍悞逸走由是朝廷以帝安于屈辱無僥
倖之望不復懷疑帝亦知天命不再而深慮人禍乃蔽聰
塞明無思慮終日酣飲耽于內寵有子不養度保天年吳

氏休憐之為作歌謠帝崩于吳官年三十五因葬吳地

續晉陽秋曰帝少同奄人之疾而出此左右初在東海瑯

琊因親近嬖人相寵計好朱靈保等並侍卧內美人田氏

遂生三男衆致疑惑然莫能審其虛實至是將建儲二人

司馬桓温因之以定廢立之計遂率百僚並還朝堂本省

温平日以衆入分兵屯宮門呈草于皇太后曰今寤爽為

東海王以還第供衛之儀如漢朝昌邑故事丞相錄尚書

事會稽王昱体自中宗明德劭令民望依係為日已久宜

順天人以統皇極主者明依舊典以時施行但未亡人不

幸罹此百憂感念存歿心焉如割社稷大計設不獲已臨

紙悲塞如何可言時太后在佛屋燒香內侍啓云外有急

奉太后乃出堂倚戶前視表數行乃曰我本自疑此至半便止求筆題奏後云未亡人罹此百憂感念存歿心焉如割温奏未有此十五字即奏遂迴換內之

簡文帝 上空五

晉中興書曰太宗簡文帝諱昱字道成中宗少子也母曰鄭夫人永昌二年封瑯琊王咸和元年鄭夫人薨上時年七歲號慕泣血乞得服重朝議哀之故從封會稽王康獻皇后臨朝建位撫軍大將軍錄尚書六條事二年驃騎將軍何充薨皇太后詔上內總萬机海西公即位七月以瑯琊王封絕腹徙上為瑯琊王封王子昌明為會稽王固讓不受太和元年十月詔以為丞相尚書入朝不移讚拜不

名劔履上殿給羽葆鼓吹班劔六十人固讓不受海西公廢於是大司馬温率百官進太極前殿具乘輿法駕奉迎於朝堂變服着平巾幘單衣東向拜受璽流涕即位改太和六年為咸安元年乙卯廢太宰武陵王為庶人二年七月明王不豫已未立會稽王昌明為皇太子封王子道子為瑯琊王領會稽內史是日帝崩于東堂在位一年時年五十二

續晉陽秋曰桓温始以雄盛入輔係以廢立帝雖登祚內不自安初熒惑入太微尋廢海西公至是熒惑猶在太微帝惡之却超曰命之脩短本所不計故當无復往近日事謂耶超云大司馬臣温方內固社稷外布經畧非常之事

臣以百口保之假還東帝謂之曰致意尊公家國之事一
遂至于此由吾不能以道自衛思患預防愧歎之深言何
能喻又誦庾闡詩云士痛朝危臣哀王辱因立下及不預
詔温曰吾遂委頓足下便下冀得相見又詔曰不謂疾患
遂王于此今者愷然勢不復久且雖有詔豈復相及慨恨
兼深如何可言天下艱難而昌明幼冲眇然非阿衡輔道
之計當何以寧濟社稷國事家計一託之於公
又曰帝以太興三年生弱而慧異中宗深器焉及長美丰
姿好清言舉止端詳器服簡素與劉恢王蒙等為布衣之
友由登庸歷位散騎常侍右將軍撫軍將軍以懿親民望
任登宰輔值穆帝幼冲母后臨朝桓温有平蜀洛之勲擯

強西陵帝于家國之計具瞻所歸而自斷之弱無以抗之
陳郡人殷浩素有盛名時論比之管葛又瑯琊王洽丞相
道子既是名公子少有聲望乃以浩為湘州刺史洽為長
史徐州刺史葛美亦以清貴名藩同心憂國温見此樹置
知在抗已温既以雄武專朝任兼將相悉衆北討以成樂
推之勢及枋頭奔敗知民望之去乃屠豫州刺史袁真于
壽陽城既而知超曰足下何以雪枋頭之耻乎超因說温
以廢立之事温既宿有此謀深納超言既廢昏立明民人
悅服然恭已南面政自温出帝性韻深沉雅有局鎮常
太宰武陵王晞桓温同乘至板橋温密勅令無因而鳴角
鼓譟部伍並皆驚馳温佯為駭異而晞大震驚急求下車

帝舉止自若顏色不_變溫每以此稱其德量故論者服憚之深若假帝脩年則溫篡逆之圖絕矣

世說曰桓公既廢太宰武陵王晞父子仍上表云應割近情以存遠計欲除太宰父子可無後憂簡文手答表云所不忍言况過于言桓公得此答又重有表辭轉苦切為家國之計必應行事簡文復手答云若使晉室靈長明公使應奉詔書若大運去矣請避賢路桓公讀詔手戰汗流而止遠徙新安而已

孝武帝上卷五

晉書曰孝武皇帝諱暉字昌明簡文帝第三子也興寧三年七月甲申封會稽王咸安二年秋七月己未立為皇太子

于是日簡文帝崩太子即皇帝位詔曰朕以不造奄丁憫凶號天扣地靡知所訴藐然幼冲渺若綴旒深為社稷之重大懼不克負荷仰憑祖宗之靈積德之祀先帝淳風玄德遺咏在民宰輔英賢勲隆德盛顧之託實賴匡訓羣后率職百僚勤政冀孤弱之躬有寄皇極之基不遂先恩遺惠播於四海恩弘余潤以康黎庶其大赦天下與民更始九月甲寅追尊王妣會稽王妃曰順皇后冬十一月甲午妖賊盧悚晨入殿庭游擊將軍毛安之討擒之是歲三吳大旱人多餓死詔所在賑給寧康元年春正月乙丑改元二月大司馬桓溫來朝秋七月己亥使持節侍中都督中外諸軍事丞相錄尚書大司馬揚州牧平北將軍徐亮二

州刺史南郡公桓温薨三年九月帝講孝經冬十月癸酉
 日有食之十二月甲申神獸門灾癸未皇太后詔曰頃者
 日食告變水旱連遭雖克已思救未盡其方賜百姓窮者
 米各五斛癸巳帝釋奠于中室祠孔子以顏回配秦元元
 年春正月帝加元服見于太廟皇太后歸政甲辰大赦改
 元庚午帝始臨朝六年春正月帝初奉佛法立精舍于殿
 內引諸沙門以居之八年八月符堅率衆渡淮遣征討都
 督謝右官軍將軍謝玄輔國將軍謝琰中郎將桓伊等拒
 之九月詔司徒瑯琊王道子錄尚書六條事冬十月符堅
 第符雄陷壽春乙亥諸將及符堅戰于淝水大破之符斬
 數萬計獲堅輿輦及雲母車十二年六月癸卯東帛聘虜

士戴逵龔玄之秋八月辛巳立皇子德宗為皇太子大赦
 二十一年九月庚申帝崩于清暑殿在位二十四年時年
 三十五葬平陵帝幼稱聰悟簡文之崩也時年十歲至瞽
 不臨左右進諫答曰哀至則哭向帝之有謝安嘗嘆以為
 精理不講先帝既威權已出雖有人主之量然而溺于酒
 色殆為長夜之飲末年長星見帝心甚惡之夜于華林園
 舉酒祝之曰長星勸汝一杯酒自古何有萬歲天子耶太
 白連年晝見地震水旱為變者相屬醒日既少而傍無正
 人竟不能改焉時張貴人有寵年三十帝戲之曰汝以年
 當廢矣貴人潜怒向夕帝醉遂暴崩時道子昏惑元顯專
 權竟不推其罪初以簡文帝見讖云晉祚盡昌明及帝之

在孕也李太后夢神人謂之曰汝生男以昌明為字及產
東方始明因以名焉簡文帝後悟乃流涕及為清暑殿識
者以為清暑反為楚聲哀楚之徵也俄而帝崩晉祚自此
傾矣

軌於

續晉陽秋曰初帝耽于色末年殆為長夜之飲醒治既少
多居內殿留連于盤薄之間時張貴人寵冠後宮威行闈
內年幾三十帝妙列伎樂陪侍嬪少乃笑而戲之云汝已
年廢矣吾已屬諸妹少矣貴人潛怒上不覺上稍醉臥貴
人遂令其婢蒙之以被既絕云以魘崩至丑時方遷登太
極前殿

異苑曰晉孝武太元末帝每聞手中箱中有鼓吹聲角之
音于是請僧齋會夜見一臂長三丈許手長數尺來摸經
案晉祚自此而衰

前空三行

太平御覽卷之九十九 宋本校計八頁

太平御覽

卷之九十九

八

太平御覽卷之一百

皇王部二十五 上空三

東晉安皇帝

桓玄

恭皇帝 上空一

安皇帝

晉書曰安皇帝諱德宗孝武帝長子也太元十二年八月
辛巳立為皇太子二十一年九月庚申孝武崩辛酉太子
即位大赦癸亥以司徒會稽王道子為太傅攝政隆安元
年春正月己亥朔帝加元服改元增文武位一等太傅會
稽王道子歸政四月甲戌兖州刺史王恭豫州刺史庾楷
舉兵以討尚書左僕射王國寶建威將軍王緒為名甲申
殺國寶及緒以悅于恭恭乃罷兵二年七月兖州刺史王

恭豫州刺史庾楷荆州刺史殷仲堪廣州刺史桓玄南蠻
校尉楊佺期等舉兵反八月江州刺史王愉奔于臨川九
月^有加太傅會稽王道子黃鉞遣征虜將軍會稽王元
顯等討桓玄輔國將軍劉牢之次新亭使子敬宣擊敗恭
恭奔曲阿長塘湖^湖尉收送京師斬之尋遣太常殷茂諭仲
堪追^及玄玄等走于尋陽三年十一月甲寅妖賊孫恩陷會
稽內史王凝之死之吳國內史桓謙等並委官而遁遣衛
將軍謝琰等逆擊走之四年五月孫恩寇浹口^會謝琰
為孫恩所陷死之恩轉寇臨海六月輔國司馬劉裕破恩
于南山恩將盧循陷廣陵元興元年正月庚午朔大赦改
元以後將軍元顯為驃騎大將征討大都督鎮北將軍劉

牢之為元顯前鋒將軍譙王尚之為後部以討桓玄二月
庚午帝戎服餞元顯于西池丁巳遣兼侍中齊王柔之以
騶虞幡宣告荆江二州丁卯桓玄敗王師于姑熟^日壬
申桓玄自為侍中丞相錄尚書事二年春正月辛丑建威
將軍劉裕破除^徐道復于東陽乙卯桓玄自稱大將軍丁巳
冀州刺史孫無終為桓玄所害秋八月玄又自號相國楚
王九月南陽太守庾文起義兵為玄所敗^終十一月壬午
玄遷帝于永安宮癸未移太廟神主于瑯琊國十二月壬
辰玄篡位以帝為平國王辛亥帝蒙塵于尋陽三年春二
月帝在尋陽庚寅夜濤水入石頭漂殺人^戶乙卯建武將
軍劉裕帥沛國毅東海何無忌等舉義兵庚辰斬桓玄所

署徐州刺史桓修于京口及青州刺史桓弘于廣陵丁巳
義師濟江三月戊午劉裕斬玄將吳甫之于江東斬皇甫
敷于羅洛洛已未桓玄衆潰而逃逃庚申劉裕置留臺臺具百宮
壬戌桓玄司徒王謚推劉裕行鎮將軍徐州刺史都督揚
徐交豫青冀冀幽并八州諸軍事假節劉裕以謚領揚州刺
史錄尚書事辛酉劉裕誅尚書左僕射王愉及愉子荊州
刺史子綏司州刺史溫詳辛未桓玄逼帝西上庚戌密詔
以幽逼于玄萬機机虚曠令武陵王遵依舊典承制摠百官
行事加侍中余如故并大赦謀反大逆已下唯桓溫李一祖
之後不宥夏四月己丑大將軍武陵王遵稱制摠萬机機庚
寅帝至江陵庚戌輔國將軍何無忌振武將軍劉道規及

桓玄將庾稚何澹之戰于湓口大破之玄復逼帝東下五
月癸酉冠軍將軍劉毅及玄戰于崢嶸洲又破之己卯帝
復幸江陵辛巳荊州別駕王康崖崖南郡太守王騰之奉帝
居于南郡壬午督護馮遷遷斬桓玄玄于南貊洲乘輿反正于
江陵閏月己丑桓玄揚武將軍桓振陷江陵帝復蒙塵于
賊營義熙元年正月帝在江陵南陽太守魯宗之起義兵
襲破襄陽己丑劉毅次于馬頭桓振以帝屯于江津辛卯
宗之破振將溫措于祚溪進次紀南南為振所敗振武軍劉
道規擊桓謙走之乘輿反正帝與瑯琊王幸道規舟二月
丁巳留臺備乘輿法駕迎帝于江陵三月桓振復襲江陵
荊州刺史司馬休之奔于襄陽建威將軍劉懷肅討振斬

之帝至自江陵六年十二月也取劉裕破盧循于豫章七年春二月也中右將軍劉藩斬徐道復于始興傳首京師夏四月盧循走交州刺史杜惠斬之十二年八月劉裕及瑯琊王德文率眾伐姚泓庚午大赦冬十月庚寅姚泓將姚光以洛陽降已丑遣兼司空高密王恢之脩謁武陵十三年秋七月劉裕克長安執姚泓收其彝器歸京師十四年十二月戊寅帝崩于東堂在位二十三年時年四十七葬休平陵帝不慧自少及長口不能言雖寒暑之變無以辨也凡所動止皆非已出故桓玄之篡篡因此獲全

桓玄 土空五

晉書曰桓玄字敬道一名靈寶大司馬溫之孽子也其母

馬氏嘗與同輩月下夜坐見流星墜銅盆中忽為二珠燦然明淨竟以瓢接取馬氏得而吞之若有感遂有光照室占者奇之故小名曰靈寶姝媪每抱詣溫輒易人而後至其重兼常兒溫甚愛異之臨終命以為嗣襲爵年七歲溫服終府州文武辭其叔父冲冲撫玄頭曰此汝家故吏也玄因涕泣被面眾並異之及長形貌瓌奇丰神踈朗博綜藝術善屬文帝負其才地以雄豪自處時咸憚之年二十三拜為太子洗馬時議謂溫有不臣之迹故折玄兄弟而為素官後出補義興太守鬱不得志嘗登高望震澤歎曰父為九州伯兒為五湖長棄官歸國自以元勳之門而負謗于世乃上疏曰臣聞周公大聖而四國流言樂毅王

佐而被謗騎劫巷伯有豺獸之慨蘇公興飄風之刺惡直
醜正何代無之先臣蒙國殊遇姻婭皇極西平巴蜀北清
伊洛竊號之寇繫頸北闕園陵復修天耻再雪飲馬灞澗
懸旌趙魏勤王之師功非一捷太和末皇基有潛移之懼
遂奉天順人翼登聖朝晉室之机危于殷漢先臣之功高
于伊霍矣至于先帝龍飛九五陛下之所以繼明南面請
問談者誰之由也若陛下忘先臣大造之功信貝錦萋斐
之說臣等自當奉還三封受戮市朝然後下從先具歸先
帝玄宮耳疏寢不報玄在荆楚積年優游無事荆州刺史
殷仲堪敬憚之及中書令王國寶用事謀弱削方鎮內外
騷動知王恭有憂國之言玄潛有意于功業乃說仲堪軍

興晉陽之師以內匡朝廷已當悉荆楚之衆順流而下推
王恭為盟主此桓文之本也俄而王恭信至招仲堪及玄
王正朝廷國寶既死于是罷兵詔以玄為廣州刺史其年
王恭又與庾楷起兵討江州刺史王愉及譙王尚之兄弟
玄仲堪謂恭事必克捷一時響應仲堪令玄與楊佺期為
前鋒玄至湓口獲王愉詔以玄為江州各西還屯于尋陽
共相結約推玄為盟主後荆州大水仲堪賑恤飢者倉廩
空竭玄乘其虛而伐之至江陵仲堪數道拒之不克佺期
自襄陽來救其敗走殷仲堪亦見害于是平荆雍詔以玄
督八州荆州牧玄于是樹腹心兵馬日盛其後孫恩逼京
師玄建牙旗聚衆外託勤王實欲觀象以兄偉為冠兄江

州刺史留偉守江陵抗表率衆下至尋陽移檄京師罪狀
 元顯元既興師犯順慮衆不為用恒有廻旆之計既過尋
 陽不見王師意甚悅將吏亦振先使其將馮該等攻譙王
 尚之敗之劉牢之遣子敬宣降玄至新亭元顯自潰玄入
 京師矯詔加已摠百揆為丞相黃鉞羽葆鼓吹府置官屬
 乃徙伏傳道子于安成害元顯于市多僂朝望改易百官
 各置親大赦改年為太享玄將出居姑熟其中書令王謐
 對曰公羊有言周公何以不之魯欲天下一乎周也願靜
 根本以公坦為心玄善其對而不從遂大築城府乃出鎮
 焉大政皆咨諮之小事則決其僕射桓謙及卞範之後諷朝
 廷封諸子弟為公自知怨滿天下欲速定篡逆殷仲文卜

範之等又共催促之于是先改授郡司其黨皆三公又矯
 詔封十郡為楚王加九錫備物楚國丞相以下一遵舊典
 又諷天子御前殿而策授焉玄屬偽讓詔遣百僚敦勸乃
 就命玄偽上表求歸藩又自作詔留之遣使宣百玄又上
 表固請又諷天子作詔固留十一月矯制加其備天子禮
 服御禮樂僭焉又矯詔使王謐兼太保奉皇帝璽禪位于
 已出居永安宮移晉神主于瑯琊廟初玄恐帝不為手詔
 又慮璽不可得逼臨川王璽請帝自為手詔因奪取璽比
 臨軒璽已久出玄甚喜百官到姑熟玄偽讓朝臣固請乃
 于城南七里西立郊壇以玄牡告天百僚陪列而儀注不
 備妄稱萬歲遂升壇燎于南郊大赦改元永始初偽詔改

年為建始右丞王攸之曰建始復是王莽始執權之歲也
其兆號不祥冥符僭逆如此國號大楚以南康平固縣奉
晉帝為平固王車旗正朔如舊典遷居尋陽依陳依王處
鄴宮故事追尊其父溫宣武皇帝諸子皆為王玄入建康
宮逆風迅雷激其儀飾皆傾及小會西堂設鼓樂殿上施
絳帳鏤黃金為顏四角作金龍頭啣五色羽葆旒蘇群臣
私相謂曰此頗似轎車亦王莽仙蓋之流也玄以其妻劉
氏為皇后更造天輦容三十人坐以二百人舁之性好畋
遊以體大不堪乘馬又作徘徊輿施轉開合動作無滯玄
自篡篡盜之後驕奢荒侈遊畋無度以夜繼晷性又急暴呼
召嚴速直官咸擊馬省前禁內雜亂無復朝廷之體于是

百姓疲苦朝野勞弊怨怒思亂者十室八九焉劉裕劉毅
何無忌等共謀克復裕等斬桓修于京口斬弘于廣陵裕
率義軍至竹里玄遣吳甫之皇甫敷北拒義軍裕等於江
乘與戰臨陣斬敷及甫之玄聞之大懼乃召諸道術人推
算數為厭勝之法乃問眾曰朕其敗乎曹靖之對曰神怒
人怨臣實懼焉玄曰人或可怨神可怒對曰移晉宗廟飄
泊無所失楚之祭不及于祖此其所以怒也玄曰卿何不
諫對曰輦上君子自以為堯舜之世何敢妄言玄愈忿懼
使桓謙何澹之屯東陵卞範之屯覆舟山帥衆二萬懼義
軍裕至將山使老弱登山分張旗幟數道並前玄懼候還
云裕軍四塞不知多少玄益憂惶于時東北風急義兵放

火烟塵漲天鼓噪之音震駭京邑劉裕執鉞麾而進謙等
諸軍一時奔潰玄率親信數千人聲言赴戰遂出南掖門
西門石頭使殷文具舟相與南奔或勸其戰玄不暇答直
以策指天而經日不食得左右進以粗飯咽不能下其子
昇時年數歲抱玄望而撫之玄悲不自勝劉裕以武陵王
導攝萬机立行臺擢百官遣劉道規躡玄玄至尋陽江州
刺史郭昶之給其器用殷仲文自後至望見玄舟旌旗輿
服備帝者之儀嘆息曰敗中復振故可也玄于是逼乘輿
西上于道作起居注叙其拒義軍之事自謂經畧指授算
無遺策諸將違節度以致虜喪非戰之罪玄至江陵石康
納之未三旬衆盛謂其羣黨曰卿等並清塗翼雲霄躬都

下竊位者方應謝罪軍門其觀卿等入石頭並雲霄中人
也玄遣何澹之守湓口何無忌劉道規等破之帥舟艦三
百死江陵以徐於為常侍遣說無忌等解軍謂於曰諸人
不識天命致此妄作遂懼禍也結卿三州所可明示朕
心若退軍解甲當與之更始授任江水在此朕不食言時
道規已至玄與戰于崢嶸州于時義兵數千玄兵甚盛而
玄損有敗常漾輕舸于舫側故其衆莫有鬪心義軍乘風
縱火盡銳爭先玄衆大潰玄留永安太后及皇后于巴陵
殷仲文時在玄艦求出別船收集散軍因版玄奉二后奔
于江陵玄欲出漢州投梁州刺史韓希而制令不行玄乘
馬出城是門左右于閭中所之不中前后相殺交橫玄僅

免于是荆州别駕王康產奉帝入南郡時益州刺史毛璩使其從孫祐之送帝璩喪葬江陵有衆二百璩弟子修之先于玄校尉誘玄以入蜀達牧田州祐之迎擊玄矢下如雨玄被箭其子昇拔去之益州督護馮迁抽刀而前去拔頭上玉簪與之乃曰是何人耶敢殺天子迁曰欲殺天子之賊耳遂斬首時年三十六自篡逆至敗時凡八旬矣

恭皇帝 上空五

琅耶

晉書曰恭帝諱德文安母弟也初封瑯琊王歷中軍將軍散騎常侍衛將軍開府儀同三司侍中領司徒錄尚書六條事元興初迁軍騎大將軍桓玄執政進位大帝和袞冕之服錄緌緩玄篡位以帝為陽縣公與安帝俱居尋陽及

玄敗隨至江陵玄死桓振奄至躍馬奮戈直至堦下噴目謂安帝曰臣門戶何負國家而屠滅若是帝乃下狀謂振曰此豈我兄弟意耶振乃下馬致拜振平復為瑯琊王又領徐州刺史尋拜司馬領司徒加殊禮義熙五年置左右司馬長史從事中郎四人加羽葆鼓吹十二月戊寅安帝崩是即帝位大赦元熙元年春正月壬辰朔改元以山陵未乾不朝會立后褚氏甲午徵劉裕還朝二年夏六月壬戌劉裕至于京師傅亮承裕密旨諷帝禪位草詔請帝書之帝欣然謂左右曰桓玄之時天命已去為劉公所延二十年矣今復何恨乃書赤紙為詔甲子遂遜于瑯琊第劉裕以帝為零陵王居于秣陵行晉正朔車旗服色一

如其舊有其文而不備其禮宋永初二年九月崩于內房時年三十六謚恭皇帝葬仲平陵

續晉陽秋曰初安皇不慧起居動止不自已出帝每侍左

右雖京温飢飽之中而恭謹備焉時人稱其順弟又雅信

佛鑄見貨十萬造丈六金像于瓦官寺外國齊日迎像宮

少從十許里安皇帝歸陵有詔當出送八座奏諫以為宜

加珍攝乃止

沈約宋書曰褚秀之妹為恭帝后兄弟並盡忠孝高祖恭

帝每生男輒令方便殺焉或誘賂內人或密加毒害前後

如此非一恭帝居秣陵宮帝惧見禍與褚后共止一室慮

鴆毒自食于床前高祖將殺之不欲遣人內入褚淡之

兄弟褚后出別宮相見兵人乃踰垣而入進藥于恭帝恭

不肯飲曰佛教自殺者不得復人身乃以被掩殺之

輿書曰昔中宗以丁丑之歲始稱晉王改築宗廟使郭

朴珽之云載祀二百及今禪代庚申之歲凡百有二年而

天祿永終朴精于術數理無乖二抑以百四期促故其嗣

為二百乎

史臣曰安帝即位之辰鍾無妄之日道子元顯並傾朝政

主只臣亂未有不亡者也雖有手握戎麾心在舊國或首

無良忽焉消散于是桓玄承釁勢踰颺指六師咸泯隻馬

但遷是以宋高非典午之臣孫恩豈金行之寇若乃是過

顛覆則恭皇斯甚于越之民詎燠州穴會稽之侶寧嘆人

臣士其屋而歸來洒丹書而不恨夫五運攸革三徵數盡
猶高秋凋候理之自然觀其零落人有爲之流連者也

太平御覽卷之第一百宋本校計九頁

